




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.145/1










Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.145/1





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.145/1



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.145/1



3  
MARINI  
GHETALDI  
PATRITII  
RAGVSINI,  
VARIORVM  
PROBLEMATVM  
COLLECTIO.  
CVM PRIVILEGIIS.




VENETIIS,  
Apud Vincentium Fiorinam.  
MDCVII.



2

MARINI  
GHETALI  
PATRII  
RAVENS  
VARIORVM  
PROBLEMATAVM  
COLLECTIO  
CVM PRIVILEGIIS



NEVEY  
April / incertum Forum  
N. D. V. 17





V I R O

I L L V S T R I

M A R I N O

G O Z I O,

P A T R I T I O

R A G V S I N O

Marinus Ghetaldus S. P. D.



*ESIODVS* Scriptor sanè iuxta antiquus, ac nobilis, in referenda gratia imitari nos iubet agros fertiles, qui plus multo afferunt quàm acceperunt. Ego *Marine* si voluntati responderet facultas, feraces agros non imitarer modo, verum etiam superare. Enimuerò ingenij mei quasi ager haud scio, an potiorè quam te colonum agnoscat, qui dum me patria corporis verius alumna, quam animi, in alienas terras ingeniorum altrices unà tecum extraxisti, quasi coluisti agrum, quam autem gentem ad Doctorum multiplici-  
tatem sex annis una peregrinati non adiuvimus? Superiorem Germaniam omnem percurrimus: inferiorem totam,

A 2 Belgium-



4  
Belgiumque lustravimus: duos annos consedimus in Bri-  
tania: Galliam deinde peragrauimus, & Italiam uni-  
uersam, quas inter gentes, quot ego Doctores nactus sum  
(nactus autem sum plures) tot agro tu quasi praefecisti o-  
perarios. Accipe igitur ex culto agello, eo quo tibi offertur  
studio, huius anni fructum (praeteritorum enim ideo non  
obtuli, quia fructus dare tibi nolui nisi prae gustatos proba-  
tosque) qui si forte minor est semente, totus est certe quem  
messui: talisque qui à Domino omnibus Reipublicae nostrae  
muneribus persuncto suam mutuabitur amplitudinem,  
suum decus.

Vale. Ragusij 13. Kal. Iunij M DCVI.



5

M A R I N I  
G H E T A L D I  
V A R I O R V M  
P R O B L E M A T V M  
C O L E C T I O.



INTER Problemata, quæ construere aggredior, sunt quædam Ioannis Regiomontani, quorum Geometricam constructionē ipse non exhibet, quam uis ea Algebrice, vel per sinus explicet. At problemata, quæ Algebrice explicari possunt, dummodo quadratorum metam æquationes nō excedant, possunt quoq; & Geometrica ratione cōstrui, qua methodo, quave ratione, in in librō de resolutione, & cōpositione abunde explicabimus. Interim problemata illa Regiomōtani Geometrice construā, quæ ut ab alijs dignoscantur, erunt in margine notata, reliqua verò partim à Clauio, & Griembergerio, quorum in Mathematicis disciplinis præstantiam nemo non nouit, nemo non admiratur, partim à Iacobo Restio, cuius breui aliquid illucescet ingenij, mihi proposita fuerunt ad construendum, partim à me ipso excogitata.

Perpendicularis trianguli vocatur ea recta linea, quæ ab angulo verticis cadit in basim ad rectos angulos.

Segmenta basis dicuntur ea quæ fiunt à perpendiculari.

L E M M A I.

**D**IFFERENTIA segmentorum basis trianguli maior est quam laterum differentia.

Exponatur enim triangulum ABC, in quo perpendicularis AD secet basim in duo segmenta BD, DC, & centro A, intervallo




## VARIORVM PROBLEM.

uallo AB, quod sit latus minus, de-  
scribatur circulus BFE secans la-  
tus AC in E, basim verò BC, in F,  
est igitur la terum AB, AC, diffe-  
rentia EC, differentia verò seg-  
mentorum BD, DC, ipsa FC sunt

3. Tertijs. enim BD, DF æquales, & quo-  
niam AC ad centrum pertingit,


4. Tertijs. ipsius pars exterior EC minima  
erit incidentium circulo ab eodē  
C puncto; quare FC differentia segmentorum basis, maior erit  
quam EC, differentia laterum, quod erat ostendendum.



## L E M M A II.

**S**I duo rectangula fuerit æqualia, fuerint autem  
quadrata laterum primi, æqualia quadratis laterum  
secundi, latera primi lateribus secundi æqualia erunt, maius  
videlicet maiori, minus minori.

Sit rectangulum ABC æqua-  
le rectangulo DEF, & quadrata  
AB, BC, simul sumpta æqualia  
quadratis DE, EF simul sumptis.  
Dico rectas AB, BC rectis DE  
EF æquales esse, maiorem vide-  
licet maiori, minorem minori.



Quoniam enim quadrata AB,  
BC æqualia sunt quadratis DE, EF, & rectangulum ABC æqua-  
le rectangulo DEF, quadrata AB, BC, vna cum rectangulo ABC  
æqualia erunt quadratis DE, EF, vna cum rectangulo DEF,  
duplicentur rectangula ABC, DEF, quadrata igitur AB, BC, vna  
cum duplo rectanguli ABC hoc est \* quadratum AC, æquale  
erit quadratis DE, EF, vna cum duplo rectanguli DEF, hoc \* est  
quadrato DF, quare & recta AC æqualis erit rectæ DF. Iam se-  
centur ipsæ AC, DF, bifariam in G, & H, erunt igitur AG, DH,  
æquales, & æqualia quoque earum quadrata, sed quadratum \*  
AG æquale est rectangulo ABC, vna cum quadrato GB, & qua-  
dratum \* DH æquale rectangulo DEF, vna cum quadrato HE,  
rectangulum igitur ABC, vna cum quadrato GB æquale erit  
rectan-

4. Secūdi.

4. Secūdi.

1. Secūdi.

1. Secūdi.



rectangulo DEF, vnà cum quadrato HE, auferantur æqualia re-  
ctangula ABC DEF, reliquum igitur quadratum GB, reliquo  
quadrato HE æquale erit, vnde & recta GB æqualis rectæ HE,  
quare per additionem, & subductionem æqualium æqualibus  
erit AB æqualis DE, & reliqua BC æqualis reliquæ EF, quod  
erat ostendendum.


## Problema I.

**D**AT A perpendiculari, differentia laterum trianguli, & differentia segmentorum basis, inuenire triangulum.

Sit data perpendicularis trianguli AB, differentia laterum BC, & differentia segmentorum basis, Z, oportet inuenire triangulum. Inclinentur a rectos angulos AB, BC, ipsaque BA duplicetur in D, in & in ea ponatur CE equalis Z, est autē ipsa Z, Prob. 23. lib. secundus de triangulis Regiomontani

Prob. 23.  
lib. secundus de trian-  
gulis Re-  
gio montana.

ex antecēdēte, <sup>810</sup>  
quod primo lo- <sup>ni.</sup>  
co prēmīssum  
est Lēmate, ma-  
ior quam BC,  
deinde pducā  
CB in F, vt sit  
BF equalis BE,  
& iūgatur FD,  
& pducā quo-  
que AB in G, vt  
sit EG aequalis  
DE, ipsi autem  
BC parallela a-  
gāt GH, secans  
EC continuatā  
in H, & in ea su



mat<sup>ur</sup> HI æqualis EC, reliqua verò IG secetur bifariam, & ad rectos angulos in K a recta linea KL æquali ipsi BA, & iungantur GL, LH, in triângulo igitur LGH perpendicularis LK æqualis est AB ex constructione, & IH differentia segmentorū GK, KH æqualis EC, hoc est ipsi Z, Superest igitur, vt differentia laterum



terum LG, LH æquetur ipsi BC, id autem ita fiet manifestum.

Centro L, intervallo LG, describatur circulus secās rectam HL, continuatam in punctis M, N, differentia igitur laterum

8. *Tertij.* LG, LH erit NH, & circulus MGN transibit per I, sunt enim GK, KI æquales, & LK perpendicularis est ipsi GI.

Quoniam igitur MH secā est in N, quadrata MH, HN æqualia \* erunt duplo rectanguli MHN, vñā cum quadrato MN, hoc est vñā cum quadruplo quadrati LG, diameter enim MN dupla est LG semidiametri, sed duplum rectanguli MHN, æquale est duplo rectanguli GHI, & quadruplum quadrati LG, æquale quadruplo quadratorum GK, LK, hoc est quadratis GI, DB, sunt enim GI, DB ipsarum GK, LK duplæ, ergo quadrata MH, HN æqualia erunt quadratis GI, DB, vñā cum duplo rectanguli

7. *Secūdi.* li GHI, sed quadratum GI vñā cum duplo rectanguli GHI, \* æquale est quadratis GH, IH, hoc est GH, EC: quadrata igitur MH, HN quadratis GH, EC, DB æqualia erunt, sed quadrato EC æqualia sūt quadrata EB, BC, hoc est FB, BC, ergo quadratis MH, NH, quadrata GH, DB, BC, FB æqualia erunt, quadratis autē DB, FB æquatur quadratū DE, hoc est EG, ergo quadrata MH, NH æqualia erūt quadratis GH, BC, EG, sed quadratis EG, GH æquatur quadratum EH, ergo quadratis MH, NH æqualia erunt quadrata EH, BC.

Et quoniam ratione parallelarum BC, GH, est vt EH ad GH, ita EC, id est IH ad BC, rectangulum EH BC sub extremis æquale erit rectangulo GHI sub medijs, hoc est rectangulo MHN, sed & quadrata EH, BC ostēsa sunt æqualia quadratis MH, NH, ergo ex antecedente, quod secundo loco præmissum est Lemmate, recta MH ipsi EH erit æquali, & NH ipsi BC, quod erat ostendendum. Constructum est igitur triangulum LGH in quo perpendicularis LK æqualis est AB, ipsa verò NH differentia laterum, æqualis BC, ac denique IH differentia segmentorum basis, æqualis Z, quod erat faciendum.

### CONSECTARIUM.

Itaque erit vt recta, quæ potest differentiam quadratorum ex differentijs laterū videlicet, & segmentorum basis, ad rectam, quæ potest quadratum perpendicularis duplæ, & prædictam quadratorum differentiam, ita differentia laterum ab basim, & ita differentia segmentorum basis ad laterum aggregatum.

Est enim vt EB ad EG, hoc est ad DF, ita BC, vel NH ad GH,  
&



# COLLECTIO.

9

& ita EC, seu IH ad EH, hoc est ad MH, cui æqualis est composita ex GL, LH.


In numeris sit LK 20, NH 27, IH 33, erit GH 63, composita ex GL, LH 77, unde LG 25, LH 52.

Est enim ut L 360, ad L 1960, id est ut L 9, ad L 49, seu 3, ad 7, ita 27, ad 63, & ita 33, ad 77.

## LEMMA.

**RECTA** quæ potest quadratum composita ex lateribus trianguli, minus quadrato differentie segmentorum basis, maior est perpendiculari dupla.

Sit triangulum ABC, in quo perpendicularis AD, secet basim BC in duo segmenta inæqualia BD, DC, quorum differentia sit BE, & continetur BA in F, longitudine AC, erit igitur BF composita ex lateribus BA, AC, æqualis, itaque in ipsa BF, describatur semicirculus BGF, in quo accommodetur BG æqualis BE, & conectatur GF, recta igitur GF poterit quadratū BF, composita ex lateribus, minus quadrato GB, hoc est BE differentie segmentorum basis: angulus enim BGF in semicirculo rectus est. Dico ipsam GF maiorem esse dupla perpendiculari AD. Quoniam enim quadratum BF constat quadratis BA, AF, & duplo rectanguli BAF, duplum verò rectanguli BAF, maius est duplo quadrati AD, nam utraque ipsarum BA, AF maior est ipsa AD, quadrata quoque BA, AF simul maiora sunt



duplo quadrati AD, pro quantitate quadratorum BD, DC: quadratū igitur BF quadruplo quadrati AD multo maius erit, quam pro quantitate quadratorum BD, DC, sed quadratū BF maius est quadrato GF, pro quantitate quadrati GB tantum, hoc est BE, ergo quadratum GF, maius erit quadruplo quadrati AD,

hoc est quadrato AD duplæ, quare & GF maior erit, quam AD dupla, quod erat ostendendum.


B Problema



## Problema II.

**D**AT *A* perpendiculari, aggregato laterum trianguli,  
& differentia segmentorum basis, inuenire triangu-  
lum.

Sit data perpendicularis trianguli *A*, aggregatum alterum  
*B*, & differentia segmentorum basis *CD*. Oportet inuenire trian-  
gulum: à puncto *D*, ipsi *CD* ducatur perpendicularis *DE*, & in  
ea ponatur *CE* æqualis ipsi *B*, & describatur semicirculus *EFD*,  
in quo accommodetur *D F*,  
æqualis duplæ ipsius *A*, hoc  
autem fieri potest, nam ex  
antecedente Lemmate, *ED*  
maior est quam *A* dupla,  
conectatur igitur *EF*, cui æ-  
qualis ponatur *EG*, ipsi au-  
tem *DC* parallela agatur  
*GH*, secans *EC* in *H*, & po-  
natur *EI* æqualis *CD*, reli-  
qua verò *IH* secetur bifari-  
am, & ad rectos angulos  
in *K* à recta *KL* æquali ip-  
si *A*, & conectantur *EL*,  
*LH*, & centro *L*, interual-  
lo *LH*, describatur circulus  
*HMN*, secans *EL* produ-  
ctā in punctis *M*, *N*. Quo-  
niam igitur ex *L* centro ca-  
dit in *IH* perpendicularis



7. Secūdi.

*LK* secans ipsam *IH* bifariam, circulus cuius centrum *L* trans-  
iens per *H*, transibit & per *I*. Et quoniam secta est *EN* in *M*,  
quadrata *EM*, *EN* æqualia erunt duplo rectanguli *MEN*, vnā  
cum quadrato *MN*, hoc est cum quadruplo quadrati *LH*, dia-  
meter enim *MN* dupla est *LH* semidiametri, sed duplum re-  
ctanguli *MEN* æquale est duplo rectanguli *IEH*, & quadrū-  
plum quadrati *LH* æquale quadruplo quadratorum *LK*, *KH*  
hoc est quadratis *DF*, *IH*, sunt enim *DF*, *IH* ipsarum *LK*, *KH*  
duplæ



duplex, ergo quadrata EM, EN æqualia erunt quadratis DF, IH, una cum duplo rectanguli IEH: quadrato autem IH, una cum duplo rectanguli IEH, \* æqualia sunt quadrata EI, EH, hoc est 7. Secūdi. CD, EH, quadratis igitur EM, EN, quadrata DF, EH, CD æqualia erunt, sed quadrato EH æqualia sunt quadrata HG, EG, hoc est HG, EF, ergo quadratis EM, EN æqualia erunt quadrata DF, CD, HG, EF, at quadrata DF, EF æqualia sunt quadrato ED, quadrata igitur EM, EN æqualia erunt quadratis ED, CD, HG, sed quadrata ED, CD quadrato EC sunt æqualia, ergo quadrata EM, EN quadratis HG, EC, æqualia erunt.

Et quoniam propter parallelas CD, HG est EH, ad HG sicut EC, ad CD, hoc est ad EI, rectangulum IEH sub extremis, hoc est MEN æquale erit rectangulo ECHG sub medijs, sed & quadrata EM, EN ostensa sunt æqualia quadratis HG, EC, ergo ex Lemmate 2, quod primo Problemati præmissum est recta EM æqualis erit ipsi HG, & EN composita videlicet ex lateribus EL, LH æqualis EC, hoc est ipsi B, est autem & perpendicularis LK æqualis ipsi A ex constructione, & EI differentia segmentorum EK, KH, æqualis CD. Constructum est igitur triangulum ELH, quale construendum proponebatur.

CONSECTARIUM.

Itaque erit ut recta quæ potest quadratum compositæ ex lateribus trianguli, minus quadrato differentie segmentorum basis, ad rectam quæ potest quadratum prædictæ compositæ, minus quadratis, quæ sunt ex differentia segmentorum basis, & perpendiculari dupla, ita composita ex lateribus ad basim, & ita differentia segmentorum basis ad laterum differentiam.

Est enim ut ED ad EG, hoc est ad EF, ita EC, vel EN, cui æqualis est composita ex EL, LH, ad EH, & ita CD hoc est EI, ad HG, hoc est ad EM.

Sit LK 20, composita ex EL, LH 77, EI 33, erit EH 63, EM 27, unde EL 52, LH 25.

Est enim ut L 4840, ad L 3240, id est ut L 121, ad L 81, seu quod idem est ut 11, ad 9, ita 77, ad 63, & ita 33, ad 27.

LEMMATA


Si ab angulo verticis trianguli ducta recta linea secuerit bifariam basim, & angulus verticis fuerit acutus, illa recta linea

B 2 secans



secans maior erit quam dimidia basis, non autem quam pars diametri circuli circa triangulum descripti, ea scilicet quæ in portione in qua est triangulum, comprehenditur. Si verò angulus verticis fuerit obrusus, illa secans minor erit dimidia base, non autem prædicta diametri parte.

Cadat ab angulo verticis tri-  
guli AGB recta linea GE secans  
basim AB bifariam in E, & cir-  
ca triangulum AGB circulus  
describatur, cuius centrum sit  
D, & iuncta ED producat ad  
circumferentiam in F. Dico  
existente angulo AGB acuto,




ipsam GE maiorem esse quam  
AE, non autem quam EF. Con-  
trauerò existēte angulo AGB  
obtusio, ipsam GE minorem esse quam AE, non autem quam  
EF. Sit primum angulus AGB acutus, ergo portio circuli AGB  
7. Tertiij. maior erit semicirculo, & centrū erit inter E, F, maior \* igitur  
erit EG quam AE, minor verò quam EF, pars videlicet diame-  
tri circuli, quæ in portione AGB comprehenditur. Si verò  
punctum G sit idem quod F, erit GE æqualis ipsi FE, immo ea-  
dem, non autem maior.

Deinde sit angulus AGB ob-  
tusio, erit igitur portio circuli  
AGB minor semicirculo, &  
centrum D erit extra lineā FE,

7. Tertiij.

itaque GE \* minor erit quam  
AE, maior verò quam FE, at si  
punctum G fuerit idem quod  
F, erit GE æqualis ipsi FE, im-  
mo eadem, non autem minor,  
quare constat propositum.



### Problema III.



29. lib. 2.  
de trian-  
gulis Re-  
giomōtāi.

**D**AT A base trianguli, & angulo verticis, dataque  
recta linea, quæ à dato angulo ducta secat basim bifa-  
riam, inuenire triangulum.

Sit



Sit data basis trianguli AB, datus quoque angulus ad verticem æqualis angulo C, ac data denique recta linea, quæ à dato angulo ducta tecat basim bifariam, sit Z, oportet inuenire triangulum. Secetur AB bifariam in E, & in ea describatur portio



circuli AGB, quæ suscipiat angulum æqualem angulo C, & per punctum E, & centriū circuli, quod sit D, ducatur recta linea EDF vsque ad circumferentiam portionis. Si igitur angulus C fuerit acutus, ex antecedente Lemmate erit Z, maior quam AE, non autem quā FE, si verò obtusus, ipsa Z minor erit quam AE, non autem quam FE, quocunque igitur casu circulus descriptus ex E centro ad interuallum rectæ Z æquale, secabit, vel tanget portionem circuli AGB, describatur, & secet, vel tangat in G, & iungantur AG, GB, GE, trianguli igitur AGB, angulus AGB ad verticem æqualis est angulo C: portio enim circuli AGB suscipit angulum æqualem ipsi C, est autem & basis ipsa AB data, & GE secās ipsam basim bifariam, æqualis est Z datæ, quare factum est quod oportebat.

At verò si datus angulus C fuerit rectus, oportebit datam Z, æqualem esse dimidiæ basi AB, & omne triangulum rectangulum supra basim AB constitutum problema efficiet.

### Problema IV.


**SECET** recta linea angulum ad verticem trianguli bifariam, & cadat in basim non ad rectos angulos. *Da-*  
*nis portio-*

33. lib. 2.  
de trian.  
Reg. o non  
tani.



tis portionibus basis, & angulo, quem ipsa linea cum base constituit, inuenire triangulum.


Sint datae portiones basis  $AB, BC$ , angulus autem quem linea secans cum ipsa base constituit, sit æqualis angulo  $Z$ . Oportet inuenire triangulum, ponatur in directum  $AB, BC$ , & secetur  $AC$  bifariam in  $D$  perpendiculariter à recta  $DE$ , & fiat angulo  $Z$  æqualis angulus  $CBF$ , & producta  $FB$  occurrat recta  $DE$  in  $E$ , & per puncta  $AEC$ , circulus describatur, quem secet recta  $BF$  in  $F$ , & iungantur  $AF, FC$ . Quoniam igitur  $DE$  secat  $AC$  bifariam, & ad rectos angulos, erunt circumferentiæ  $AE, EC$  æquales; quare & anguli  $AFE, EFC$  æqualibus circumferentijs insistentes erunt æquales, recta igitur  $FB$  secat angulū  $AFC$  aduerricē trianguli  $AFC$  bifariam, est autem & angulus  $CBF$  æqualis angulo  $Z$  ex constructione, & portiones basis  $AB, BC$ , sunt ipsæ datae. Constructum est igitur triangulū  $AFC$ , quale construendum proponebatur.



### LEMMA I.

SI duæ rectæ lineæ circulum secent, & extra ipsum conueniant, erit prima ad secundum, sicut pars exterior secundæ ad partem exteriorem primæ.

Secent circulum sub centro  $H$  descriptū, duæ lineæ rectæ  $AB, AC$ , & extra ipsum conueniant in  $A$ , & sint partes exteriores ipsarum  $AD, AE$ . Dico esse  $AB$  ad  $AC$  sicut  $AE$  ad  $AD$ . Quoniam enim rectangulum  $BAD$  æ-









ad D C, ita MB ad BG, maior igitur erit BG quam BM, quia & DC maior est quam AD : auferantur æquales B C, BA, reliqua igitur CG maior erit quam reliqua MA, & cum secetur CG bifariam in L, erit quoque LG maior quã EA, in ipsa igitur LG



fumatur LF æqualis EA, & centro L, intervallo LC, vel LG, describatur circulus CIG. Similiter & centro B, intervallo BF, alius circulus describatur secans priorem in I, & conestantur BI, LI, ipsam autem BI secet circulus CIG in H, perpendicularis verò LK, in K. Quoniam igitur AB, BC, sunt æquales ex constructione, & æquales quoque CL, LG, erit AG ipsius BL dupla, & quoniam BI superat ipsam BL, excessu LF, hoc est AE, superabit BI dupla duplam BL, hoc est ipsam AG, excessu AE duplo, hoc est excessu AM, quare MG ipsius BI dupla erit. Et quoniam est vt AD ad DC, ita MB ad BG, erit componendo, vt AC hoc est vt BC dupla ad DC, ita MG hoc est BI dupla ad BG, & subduplatis antecedentibus, erit vt BC, ad DC, ita BI ad BG, sed vt BI ad BG, ita est BC ad BH, ergo vt BC ad DC, ita erit BC ad BH, æqualis igitur erit BH differentia segmentorum BK, KI, ipsi DC, hoc est Z datæ, est autem & BC differentia laterū BL, LI, æqualis ipsi AB ex constructione, & excessus LF, quo basis BI superat latus maius BL, æqualis EA datæ. Constructum est igitur triangulum BLI, quale construendum proponebatur.

CONSECTARIV M.

Itaque erit vt excessus, quo dupla differentia laterum trian-  
guli superat differentiam segmentorum basis, ad compositam  
ex differentia laterum, & duplo excessu, quo basis latus maius  
excedit, ita differentia segmentorum basis ad aggregatum la-  
terum, & ita differentia laterum ad basis.

Cum enim sit AD ad DC, sicut MB ad BG, erit permutando, ut AD ad MB, ita DC hoc est BH ad BG. & consequenter ita BC ad BI, est enim BC ad BI, sicut BH ad BG.

Sit




Sit BC 12, BH 16, LF 4, erit BG: hoc est composita ex lateribus BL, LI 40, basis verò BI 30, unde BL 26 LI 14.


Est enim ut 8, ad 20, ita 16, ad 40, & ita 12, ad 30.

Si verò excessus fuerit penes latus.

Erit ut excessus inter differentiam segmentorum basis, & duplam differentiam laterum trianguli, ad excessum inter differentiam laterum, & duplum excessum quo latus maius superat basim, ita differentia segmentorum basis, ad aggregatum laterum, & ita differentia laterum ab basim.



producatur BC in L, ut sit CL excessus, quo BA ipsam BC superat, cui excessui sumantur HM, MK æquales, & sumatur quoque FN, æqualis BE. Dico ut NH, ad BK, ita esse BE, ad BG, & ita BF, ad BC. Quoniam enim HB, BF sunt æquales ex constructione, & æquales quoque FA,



AG, erit HG ipsius AB dupla, & quoniam BA superat basim BC excessu CL: hoc est HM, superabit HG duplam BC excessu HM duplo, hoc est excessu HK, ergo KG ipsius BC dupla erit.

Et quoniā est \* ut BF, ad BE, *Ex ant.*  
ita BC, ad BG, duplatis antecedentibus, erit ut HF ad BE, hoc *1 Lem.*  
est ad FN, ita KG ad BG. & diuidendo, ut NH ad NF, ita BK, ad BG, ac denique permutando, erit ut NH ad BK, ita NF, hoc est BE, ad BG, quod est primum.

Quoniam igitur est ut NH, ad BK, ita BE, ad BG, ut autē BE, ad

C

ad



ad BG, ita BF ad BC, erit vt NH, ad BK, ita BF, ad BC, quod se-  
cundo loco erat demonstrandum.

Sit BF 4, BE 10, CL 5,  
erit BG composita ex late-  
ribus BA, AC 30, basis ve-  
rò BC 12, vnde AB 17,  
AC 13.

Est enim vt 2, ad 6, ita  
10, ad 30, & ita 4, ad 12.

Rursus sit BF 5, BE 11,  
CL 4, erit composita ex  
lateribus BA, AC 33, basis  
verò BC 15, vnde AB 19,  
AC 14.

Est enim vt 1, ad 3, ita 11, ad 33, & ita 5, ad 15.

Sit denique  $BF$  6  $BE$  10,  $CL$  1, erit aggregatum laterum  $BA$ ,  $AC$  20, basis verò  $BC$  12, vnde  $AB$  13,  $AC$  7.

Est enim vt 2, ad 4, ita 10. ad 20, & ita 6, ad 12.

Quod si nullus fuerit excessus inter duplam differentiam laterum trianguli, & differentiam segmentorum basis ( hoc autem accidit, quando segmentorum differentia dupla est differentiae laterum) non vnum triangulum problemati satisfacet, sed infinita: construi enim possunt infinita triangula, vt quae sunt differentiae in vno, eadem sint in omnibus, sed priusquam huiusmodi constructionem exhibeamus, sequens Lemma demonstrabimus.


*LEMMMA*

**S**I differentia segmentorum basis trianguli fuerit dupla differentiae laterum, latus maius excedit basim, excessu dimidia laterum differentiae aequali.

3. *Tertij.* Sit triangulum ABC, in quo perpendicularis AD, secet basim BC in duo segmenta BD, DC, & centro A, intervallo AC, quod sit minus latus, describatur circulus secans basim BC, in F, latus verò AB productum in punctis E, G, erit igitur laterum AB, AC differentia BE, differentia verò segmentorum BD, DC, ipsa BF, sunt \* enim FD, DC æquales, sit autem BF dupla ipsius BE. Dico latus AB excedere basim BC, excessu dimidiæ BE, æquali




quali, secetur enim BE bifariam in H. Quoniam igitur BF ponitur dupla ipsius BE, & est ut BF, ad BE, ita BG, ad BC, erit quoque BG, dupla ipsius BC, & quoniam GE dupla est ipsius AE, & BE dupla ipsius EH, rota GB ipsius AH dupla erit: æqualis igitur erit AH, ipsi BC, ergo AB superabit ipsam BC, excessu HB, sed HB est dimidia ipsius BE, ergo latus AB excedet, basim BC excessu æquali dimidiæ BE, quod erat demonstrandum.



Constructio prædicti casus, in quo nullus est excessus inter duplam differentiam laterum trianguli, & differentiam segmentorum basis.

Sit igitur data differentialaterum BE, differentia segmento-  
rum basis Z, quæ sit dupla ipsius BE, ergo ex antecedente Lem-  
mate latus maius trianguli excedet basim, & excessus æqualis  
erit dimidiæ BE, his igitur datis. Oportet inuenire triangulum,  
Producatur BE, ad quodcunque punctum G, ea tamen cautio-  
ne, vt BG sit maior quam quadrupla BE, & circa diametrum  
EG describatur circulus cuiuscentrum A, ipsumque circulum



The diagram shows a circle with center A. Points B, C, and E are located on the lower-left portion of the circle's circumference. A horizontal line segment BC connects points B and C. Point D lies on BC, and a vertical line segment AD is drawn from the center A down to D, representing the perpendicular distance from the center to the chord BC. Point F is located on the line segment BE. A line segment BF is drawn. Another line segment AC is drawn from the center A to point C. Outside the circle, to the left, there is a horizontal line segment labeled Z, which is parallel to BC. This diagram is used to prove geometric properties related to circles and triangles.



## CONSECTARIVM.


Constat igitur infinita triangula construi posse, ita vt differentie laterum & segmentorum existentes in ratione dupla, sint in omnibus eadem, atque latera maiora excedant bases, vno eodemque excessu, dimidia videlicet laterum differentia rectæ enim BG compositæ ex lateribus BA, AC terminus G, non est præfinitus: illa enim potest esse, & maior & minor, requiritur tantum vt quadruplam BE, excedat.

Sit BE 2, BF 4, latus AB excedet basim BC, & excessus erit nempe dimidia BE, composita vero ex lateribus BA, AC, potest esse 9, 10, 11, 12, vel etiam maior, solum requiritur, vt superet numerum 8, nempe quadruplam BE. Similiter & basis BC potest esse 5, 6, 7, 8, vel cuiuscunque longitudinis ipsa 4, maioris.

## Problema VI.

**D**ATA base trianguli angulum rectum subtendente,  
& differentia laterum, inuenire triangulum.

Sit data basis trianguli angulū rectum subrendens AB, differentia laterum Z. Oporteret inuenire triangulum. Ducatur ipsi AB perpendicularis, & æqualis AC, & iuncta BC fiat diameter circuli, eius igitur circumferentia transibit per A, in ipso autem circulo CAB accommodetur CE æqualis ipsi Z, & iungatur EB, & in ea sumatur BF æqualis EC, vel Z, reliqua EF secetur bisariam in D perpendiculariter à recta DG, æquali ipsi DE, vel DF, & iungatur BG, erit igitur laterum DB, DG trianguli DBG differentia FB, hoc est Z data.




Et quoniam rectus est angulus CEB, in semicirculo, quadratum CB, æquale erit quadratis EB, EC, hoc est EB, FB, sed quadrata EB, \* FB, dupla sunt quadratorum ED, DB, hoc est DG, DB, ergo quadratum CB duplum erit quadratorum DG, DB, sed duplum est, & quadrati AB, ergo quadratum AB, æquale erit



erit quadratis DB, DG. hoc est quadrato GB, quare & recta AB æqualis rectæ GB. Constructum est igitur triangulum DBG rectangulum in D, cuius laterum DB, DG differentia FB, æqualis est Z datæ, & basis GB angulum rectum subtendens æqualis ipsi AB, quod erat faciendum.

ALITER. Ducatur, ut prius ipsi AB perpendicularis, & æqualis AC, & iuncta CB fiat diameter circuli, in quo accommodetur CE æqualis Z, & iungatur EB, cui perpendicularis agatur AD, ipsi autem ED ponatur æqualis DF, & iungantur AE,



AF. Quoniam igitur anguli AEB, ACB in eadem portione circuli existentes sunt inter se æquales, & est semirectus ACB, erit & AEB semirectus: angulus autem EDA rectus est ex constructione reliquus igitur DAE semirectus erit: tres enim interni anguli trianguli EDA duob. rectis sunt æquales, angulus igitur AED angulo EAD æqualis erit, quare & latus DA lateri DE, vel DF, unde laterum DA,

DB differentia erit FB. Et quoniam latera DE, DA trianguli EDA æqualia sunt lateribus AD, DF trianguli ADF, utrumque utrique, & anguli ad D æquales, nempe recti, erunt ipsa triangula æqualium laterum, & angulorum, latus igitur AF, lateri AE æquale erit, & angulus DAF æqualis angulo DAE, sed ostensus est semirectus DAE, ergo & DAF semirectus erit, atque adeo totus angulus EAF rectus erit, & ideo æqualis recto CAB, ablato communi angulo CAF, reliquus igitur FAB reliquo EAC erit æqualis, sunt autem & latera AF, AB trianguli AFB æqualia lateribus AE, AC trianguli AEC, utrumque utrique, ergo & basis FB, basi EC, hoc est ipsi Z æqualis erit. Ad datam igitur basim AB constitutum est triangulum ADB, cuius laterum DA, DB differentia FB æqualis est Z, datæ, quod erat faciendum.

10. Secunda di.

### CONSECTARIUM.

Itaque excessus, quo duplum quadrati à base subtendente angulum rectum trianguli, superat quadratum differentie laterum, æqualis est quadrato aggregati laterum.

Excessus enim quo duplum quadrati AB superat quadratum FB,



FB, hoc est excessus, quo quadratum CB superat quadratū CE, est ipsum quadratum EB, composita videlicet ex lateribus, AD, DB.

Sit AB 10, FB 2, erit composita ex AD, DB 14, unde DA 6, DB 8.



Duplum enim quadrati ex 10, est 200, quadratum verò ex 2, est 4, excessus, igitur erit 196, pro quadrato composita ex lateribus AD, DB, unde radix quadrata numeri 196, quæ est 14, erit ipsa composita.

## L E M M A.

**R**ECTA linea, quæ potest duplum quadrati ex base subtendente angulum rectum trianguli, non est minor aggregato laterum.

Sit triangulum ABC rectangulum in A, cuius basis BC. Dico rectam, quæ potest duplum quadrati BC, nō esse minorem aggregato laterū AB, AC, Producatur enim BA in E, ut sit AE æqualis AC, si igitur latera AB, AC sint æqualia, erit EB dupla ipsius AB, & ideo quadratum EB, quadruplū erit quadrati AB, sed quadruplum quadrati AB æquale est duplo quadrati BC, ergo quadratum EB duplo quadrati BC æquale erit, & consequenter recta, quæ potest duplum quadrati BC ipsi EB aggregato laterum AB, AC, erit æqualis, non autem minor.

Si verò latera AB, AC non sint æqualia erit alterum altero maius, sit maius AB, & ex eo abscindatur AD æqualis AC, vel AE. Quoniam igitur quadrata BE, BD æqualia sunt duplo quadratorum BA, AE, hoc est duplo quadrati BC, duplum quadrati BC, maius erit quadrato BE tantum, & consequenter recta, quæ potest duplum quadrati BC, maior ipsa BE, hoc est aggregato laterum AB, AC, non autem minor. Quocunque igitur casu recta, quæ potest duplū quadrati ex base subtenden-



10. Secūdi


te



te angulum rectum trianguli non est minor aggregato laterū,  
quod erat ostendendum.

## Problema VII.

**D**ATA base trianguli angulum rectum subtendente,  
& aggregato laterum, inuenire triangulum.



Sit data basis trianguli angulū re-  
ctum subtendens AB, aggregatum  
laterum Z, oportet inuenire triangu-  
lum. Ducatur ipsi AB perpendicularis,  
& æqualis AC, & iuncta CB fiat  
diameter circuli, ipsa igitur CB ex  
antedente Lemmate, non erit mi-  
nor quam Z, ideoque in circulo, cir-  
ca diametrum CB descripto poterit  
aptari recta linea ipsi Z æqualis, ap-  
teretur & sit BE, & iungatur EC, cui æqualis ponatur BF, reliqua  
EF secetur bifariam in D perpendiculariter à recta DG, æquali  
ipsi DF, vel DE, & iungatur BG, erit igitur EB, hoc est Z æqua-  
lis aggregato laterum DB, DG. Et quoniam rectus est angu-  
lus CEB in semicirculo, quadratum CB æquale erit quadratis  
EB, EC, hoc est EB, FB, sed quadrata EB, FB \* dupla sunt qua-  
dratorum ED, DB, hoc est DG, DB, ergo quadratum CB du-  
plum erit quadratorum DG, DB, sed duplum est & quadrati  
AB, ergo quadratum AB, æquale erit quadratis DB, DG, hoc  
est quadrato GB; quare & recta AB æqualis rectæ GB. Con-  
structum est igitur triangulum DBG rectangulum in D, cuius  
aggregatum laterum DB, DG, æquale est Z datæ, & basis GB  
angulum rectum subtendens æqualis ipsi AB, quod erat facien-  
dum.


**A L I T E R** Ducatur ut prius ipsi AB perpendicularis, &  
æqualis AC, & iuncta CB fiat diameter circuli, in quo accom-  
modetur BE æqualis Z, diameter enim CB ostensa est non mi-  
nor quam Z, ipsi autem EB ducatur perpendicularis AD, &  
iungatur AE. Quoniam igitur æquales sunt anguli ACB, AEB,  
sunt enim in eadem portione circuli, erit angulus AEB semi-  
rectus; quia semirectus est & ACB, sed rectus est angulus EDA,  
reliquus igitur DAE trianguli DAE, erit quoque semirectus,

omnis

10. Secun-  
di.



omnis enim trianguli, tres interni anguli duobus rectis sunt æquales, angulus igitur  $\angle DAE$  angulo  $\angle DEA$  æqualis erit, unde & latus  $DE$  lateri  $DA$  erit æquale, addita communi  $DB$ , composita igitur ex lateribus  $AD$ ,  $DB$  æqualis erit ipsi  $EB$ , hoc est  $Z$  date. Ad datam igitur basim  $AB$  constitutum est triangulū  $DAB$  rectangulum in  $D$ , cuius aggregatum laterum  $DA$ ,  $DB$  æquale est  $Z$  datæ, quod faciendum erat.



## CONSECTARIVM.

Itaque excessus, quo duplum quadrati ex base subtendente angulum rectum trianguli superat quadratum aggregati laterum, æqualis est quadrato differentie laterum.

Resumpta enim primæ constructionis figura, excessus, quo duplum quadrati  $AB$ , hoc est quo quadratum  $CB$  superat quadratum  $EB$ , est ipsum quadratum  $EC$ , hoc est  $FB$  differentie videlicet laterum  $DG$   $DB$ .

Sit basis  $GB$  10, composita ex lateribus  $DG$ ,  $DB$  14, erit  $FB$  differentia laterum  $DG$ ,  $DB$  2, unde  $DG$  6,  $DB$  8.

Duplum enim quadratum ex 10, est 200, quadratum verò ex 14, est 196, excessus igitur erit 4, pro quadrato differentie laterum  $DG$ ,  $DB$ , unde radix quadrata numeri 4, quæ est 2, erit ipsa differentia.

## LEMMMA.

**D**IFFERENTIA segmentorum basis trianguli ad differentiam laterum eadem habet rationem quam aggregatum laterum ad basim.

Sit triangulum  $ABC$ , in quo perpendicularis  $AD$  secet basim  $BC$  in duo segmenta  $BD$ ,  $DC$ , & centro  $A$ , intervallo  $AC$ , quod sit latus minus, describatur circulus  $CEF$  secans basim  $BC$  in  $E$ ,  
latus








dentibus, erit vt quadratum AB ad quadratum EB, ita summa quadratorum GH, GB, hoc est quadratum HB, ad FB quadratum, vnde vt AB ad EB, ita erit HB ad FB, & permutando, vt AB ad HB, ita EB ad FB. Iam agatur GI perpendicularis ad HB, & ipsi HI æqualis ponatur IK, differentia igitur segmentorum HI, IB, erit KB, & ideo ex antecedente Lemmate, erit vt AB ad HB, ita KB ad FB, sed ostensum est vt AB ad HB, ita esse EB ad FB, ergo vt KB ad FB, ita erit EB ad FB, æqualis igitur erit KB ipsi EB, hoc est Z data, est autem & composita ex lateribus HG, GB, æqualis ipsi AB; Constructum est igitur triangulum HGB rectangulum in G, cuius aggregatum laterum HG, GB, æquale est AB data, & KB differentia segmentorum HI, IB, æqualis ipsi Z, quod erat faciendum.

ALITER. Ducatur vt supra ipsi AB perpendicularis, & æqualis AC, & iuncta CB, fiat diameter circuli BAC, cuius centrum E, in ipso autem circulo accommodetur CD æqualis Z, & iungantur DB, AE, se mutuo secantes in H, & ex H ducatur ipsi AB perpendicularis HG. Quoniam igitur rectus est angulus AGH, & semirectus GAH, erit \* quoque & reliquus GHA semirectus, & ideo ipsi GAH æqua-



32. Prim.

lis, vnde latus HG æquale erit lateri GA, addita communi GB, composita igitur ex lateribus HG, GB, erit æqualis ipsi AB.

3. Terrij.

Iam agatur GI perpendicularis ad HB, & centro G, intervallo GA, vel GH, describatur circulus AHF, secans DB in K, ipsam verò AB in F, & iungatur AK, differentia igitur segmentorum HI, IB, erit KB, sunt \* enim æquales HI, IK. & quoniam angulus AGH ad centrum rectus est ex constructione, erit angulus AKH ad circumferentiam semirectus, sed semirectus est & angulus ADB, est enim equalis semirecto ACB, cum vterque, eidem circumferentiæ AB insistat, ergo reliquus angulus DAK, trianguli DAK rectus erit, & ideo æqualis recto BAC, dempto communi angulo CAK, reliquus DAC reliquo KAB æqualis erit, sed & latus AB æquale est lateri AC ex constructione, & latus AK æquale lateri AD ratione æqualium angulorum AKD, ADK, ergo & basis KB trianguli AKB, æqualis erit basi DC trianguli ADC; Constructum est igitur triangulum



lum GHB rectangulum in G, cuius aggregatum laterum HG, GB, æquale est ipsi AB, & KB differentia segmentorum HI, IB, æqualis ipsi DC, hoc est Z data, quod erat faciendum.

\* In hac figura ducenda est linea Ak.

CONSECTARIUM.

Itaque erit ut recta, quæ potest duplum quadrati aggregati laterum trianguli, minus quadrato differentie segmentorum basis ad aggregatum laterum, ita differentia segmentorum ad differentiam laterum, & ita aggregatum laterum ad basim.


Resumpta enim primæ constructionis figura, est ut DB ad AB, ita EB, hoc est KB ad FB, & ita AB ad HB, est enim AB ad HB, sicut KB ad FB;

In figura secundæ constructionis, similia sunt triangula ABD, HBA, sunt enim anguli ADB, HAB æquales, ostensus est uterque semisectus, & angulus ad B communis utrique, ut igitur DB ad AB, ita erit AB ad HB, & ita KB ad FB, est enim KB ad FB, sicut AB ad HB.

Sit KB 7, composita ex lateribus HG, GB 35, erit FB 5, HB 25, unde GB 20, GH 15. Est enim ut L 2401, hoc est ut 49, ad 35, ita 7, ad 5, & ita 35, ad 25.

LEMMATA

**D**IFFERENTIA segmentorum basis subtendentis angulum rectum trianguli, minor est quam recta, quæ potest duplum quadrati differentie laterum.



Sit triangulum ABC rectangulum in A, in quo perpendicularis AD, secet basim BC, in duo segmenta inæqualia, BD, DC, & centro A, intervallo AC, quod sit minus latus, describatur circulus CEF, secans basim BC in E, latus verò AB productum in punctis F, G, erit igitur laterum AB, AC differentia BF, differentia verò segmentorum BD, DC ipsa BE, sunt enim ED, DC, \* æquales; Dico ipsam BE minorem esse quam recta quæ potest duplum quadrati

D 2

drati

3. Tertij




drati BF. Quoniam enim est BC ad BG, sicut BF ad BE, erit vt quadratum BC ad quadratum BG, ita BF quadratum ad quadratum BE, & duplatis antecedentibus, erit vt duplum quadrati BC ad quadratum BG, ita duplum quadrati BF ad quadratum BE, sed ostensum \* est quadratum BG minus esse duplo quadrati BC, ergo & quadratum BE duplo quadrati BF minus erit, quare & recta BE minor erit quam recta, quæ potest duplum quadrati BF, quod erat demonstrandum.

In secun-  
da parte  
Lem. ante  
Prob. 7.

## Problema IX.

**D**AT A differentia segmentorum basis subtendentis angulum rectum trianguli, & differentia laterum; invenire triangulum.

Sit data differentia segmentorū  
basis angulum rectum subtenden-  
tis Z, & differentia laterum AB. O-  
porret inuenire triangulum. Ponat-  
ur ipsi AB, æqualis & ad angulos  
rectos AC, & iuncta CB fiat diame-  
ter circuli, ex antecedente igitur  
Lemmate, CB maior est quam Z:  
ideoque in circulo circa diametrū




CB descripto, poterit aptari recta linea ipsi Z æqualis, aptetur, & sit BE, & iungatur EC, cui æqualis sumatur BD, & iungatur quoque DA, & ei parallela agatur EF, secans BA continuatam in F, & secetur FA bifariam in G, à perpendiculari GH æquali ipsi GA, vel GF, & iungatur HB: triangulum igitur GHB rectangulum est in G, & differentia laterum GH, GB est ipsa AB data. Iam agatur ipsi HB perpendicularis GI, & sumatur IK æqualis IH, Quoniam igitur parallelæ sunt EF, DA ex constructione, erit vt DB, hoc est EC, ad EB, ita AB, ad FB, & vt quadratum EC ad quadratum EB, ita quadratum AB, ad FB quadratum, & componendo vt summa quadratorum EC, EB, hoc \* est vt quadratum CB, seu quod idem est duplum quadrati AB, ad quadratum EB, ita erit summa quadratorum AB, FB, hoc \* est duplum quadratorum FG, GB, vel GH, GB ad quadratum FB, & subduplatis antecedentibus, erit vt quadratum AB, ad quadratum EB, ita summa quadratorum GH, GB, hoc est quadratum

47. *Primi*

10. Secū-  
di.



dratum HB, ad FB quadratum : quare ut AB, ad EB, hoc est ad Z, ita erit HB, ad FB, sed ut HB, ad FB, ita est AB, ad KB, ergo ut AB ad Z, ita erit AB, ad KB, æquales igitur erunt KB, & Z. Constructum est igitur triangulum GHB rectangulum ad G, cuius laterum GH, GB differentia est ipsa AB data, & KB differentia segmentorum HI, IB æqualis datæ Z, quod facere oportebat.



ALITER Inclinentur, ut prius ad angulos rectos AB, AC æquales, & iuncta BC fiat diameter circuli, in quo accommodetur ipsi Z equalis BK: est autem ex antecedente Lemmate diameter BC maior quā Z, & conectatur AK, cui perpendicularis ducatur kF. Quo-

niam igitur angulus FA k minor est recto FAC, & angulus AkF rectus, erunt ambo simul duobus rectis minores, quare coibunt rectæ BA, kF: coeant in F, & circa diametrum FA describatur circulus cuius centrum G, is igitur circulus transibit per k, quoniam rectus est angulus AkF. Deinde producatur Bk donec secet circulum AkF, in H: inferius autem demonstrabimus rectam Bk secare circulum, non autem contingere, & iuncta GH, ducatur ipsi HB perpendicularis GI. Quoniam igitur HI, Ik sunt æquales, differentia segmentorum HI, IB, erit k B, cui æqualis est Z data. Similiter differentia laterum GH, GB est ipsa AB data, superest igitur ut angulus HGB sit rectus, id autem ita fit manifestum.

Quoniam enim semirectus est angulus AkB (est enim æqualis semirecto ACB, uterque eidem circumferentiæ AB insistit) est autem AkF, rectus ex constructione, reliquus FkH semirectus erit: tres enim anguli AkB, AkF, FkH duobus rectis sunt æquales, & quoniam angulus FGH ad centrum duplus est anguli FkH ad circumferentiam, & est semirectus FkH, erit angulus FGH rectus, quare & HGB rectus quoque erit. Constructum est igitur triangulum GHB rectangulum in G, cuius laterum GH, GB differentia est ipsa AB data, & kB differentia segmentorum HI, IB æqualis ipsi Z, quod erat faciendum.

At verò rectam Bk secare circulum, ita demonstrabitur. Si enim non secat, rangit: tangat si possibile est, contactus igitur erit in k, & angulus GkB, erit rectus, sed semirectus est AkB, quia



quia æqualis est semirecto  $ACB$ , ergo & reliquus  $AkG$  semirectus erit, sed angulo  $AkG$  æqualis est angulus  $GAk$ , ratione æqualium laterum  $GA$ ,  $Gk$ , ergo & ipse  $GAk$  semirectus erit, ablato igitur semirecto angulo  $GAk$  a recto  $GAC$ , reliquus  $KAC$  erit semirectus, sed ipsi  $KAC$  æqualis est  $kBC$ , sunt enim in eadem portione circuli, ergo & ipse  $kBC$  semirectus erit, quare semirecto  $ABC$  æqualis, quod est absurdum; non igitur  $Bk$  tangit circulum, sed secat, quod erat demonstrandum.

## CONSECTARIUM.

Itaque erit ut recta, quæ potest duplum quadrati differentię laterum trianguli minus quadrato differentię segmentorum basis, ad differentiam laterum, ita differentia segmentorum ad aggregatum laterum, & ita differentia laterum ad basim.

Resumpta enim primæ constructionis figura, est ut  $DB$ , ad  $BA$ , ita  $EB$  ad  $BF$ , hoc est ut  $EC$ , ad  $BA$ . ita  $Bk$ , ad  $BF$ , & ita  $AB$ , ad  $BH$ , est enim eadem ratio  $AB$  ad  $BH$ , quæ  $kB$  ad  $BF$ .

In secunda constructionis figura, iuncta  $kC$ , similia erunt triangula  $AkC$ ,  $FkB$ , nam angulus  $ACk$  æqualis est angulo  $ABk$ , quia in eadem sunt portione circuli, & quoniam recti sunt anguli  $CkB$ ,  $AkF$ , hic ex constructione, ille ex vi semicirculi, & ideo æquales, addito communi angulo  $AKB$ , totus angulus  $AKC$  toti  $FkB$  æqualis erit, ac reliquus reliquo, ut igitur  $KC$ , ad  $CA$ , vel ad  $AB$ , ita erit  $kB$  ad  $FB$ , & ita  $AB$ , ad  $BH$ , est enim  $AB$  ad  $BH$ , sicut  $kB$  ad  $BF$ .

Ex Lem.  
in prob. 8

Sit  $AB$  91,  $kB$  119, erit  $FB$  221,  $HB$  169, unde  $GB$  156,  $GH$  65.

Est enim ut  $L$  2401, hoc est ut 49, ad 91, ita 119, ad 221, & ita 91, ad 169.


## Problema X.

**D**ATO uno ex lateribus trianguli angulum rectum, ambientibus, & differentia inter reliquum latus, & basim, inuenire triangulum.

Sit



Sit datum vnum ex lateribus trianguli angulum rectum ambientibus A, data quoque differentia inter reliquum latus, & basim BC. Oportet inuenire triangulum. Fiat quadrato A æquale rectangulum BCD, & circa diametrum DB describatur



circulus cuius centrum E, ipsum autem circulum contingat recta CF in F, & iungatur EF, erit igitur rectangulum BCD æquale quadrato FC, sed æquale est & quadrato A ex constructione, quadratum igitur FC quadrato A æquale

erit, quare & recta FC æqualis rectæ A. Est autem \* & angulus <sup>18. Tertijs</sup> EFC rectus, & basis EC differt à latere EF per BC, æquales enim sunt EF, EB ex definitione circuli. Constructum est igitur triangulum EFC, quale construendum proponebatur.

CONSECTARIUM.

Itaque, alterum ex duobus lateribus trianguli angulum rectum ambientibus medium est proportionale inter differentiam & aggregatum reliqui lateris, & basis.

Quoniam enim rectangulum BCD æquale est quadrato FC, erit vt BC ad FC, ita FC ad DC.

Sit FC 12, BC 6, erit DC 24, vnde EC 15, EF 9, Est enim vt 6, ad 12, ita 12, ad 24.


Problema XI.

**D**ATO vno ex lateribus trianguli angulum rectum ambientibus, & aggregato reliqui lateris, & basis, inuenire triangulum.

Sit datum vnum ex lateribus trianguli angulum rectum ambientibus A, datum quoque aggregatum reliqui lateris, & basis BC, oportet inuenire triangulum. Secetur BC in D, vt rectangulum BCD sit æquale quadrato A, & circa diametrum BD circulus describatur cuius centrum E, à puncto autem C ducatur CF circulum contingens in F, & iungatur EF. Quoniam igitur CF contingit circulum in F, rectangulum BCD, æquale



æquale erit quadrato FC, sed æquale est & quadrato A, ex constructione, ergo quadratum FC quadrato A, æquale erit, unde & recta FC æqualis erit rectæ A. Constructum est igitur triangulum EFC rectangulum in F, cuius latus FC æquale est ipsi A, & composita ex reliquo latere FE, & base EC æqualis BC datæ, quod erat faciendum.



## CONSECTARIVM.

Itraque alterum ex duobus lateribus trianguli angulum rectum ambientibus medium est proportionale inter differentiam, & aggregatum reliqui lateris, & basis.

Quoniam enim rectangulum BCD æquale est quadrato FC, erit ut BC, ad FC, ita FC, ad DC.

Sit FC 12, BC 24, erit DC 6, unde EC 15, EF 9, Est enim ut 24, ad 12, ita 12, ad 6.

Sex Problemata proximè præcedentia proposita sunt de triangulo rectangulo tantum, sex verò quæ sequuntur proponuntur de omni triangulo.

## Problema XII.


**D**AT A base trianguli, differentia laterum, & angulo verticis, inuenire triangulum.

Sit data basis trianguli Z, differentia laterum AB, angulus ad verticem æqualis angulo C. Oportet inuenire triangulum.


Ponatur iam factum & sit illud triangulum DAG, cuius basis AG est æqualis ipsi Z, & angulus ADG ad verticem æqualis angulo C, ac denique differentia laterum DA, DG, quæ sit AB est positione, ac magnitudine data. Quoniam igitur DA, DG differunt per AB, erunt DB, DG æquales, itaque centro D intervallo DB, vel DG describatur circulus, quem fecer AD continuata in F, & iungatur BG. Quoniam igitur datus est angulus ADG, dabitur & angulus FDG, ut reliquus è duobus rectis, ergo dabitur quoque & angulus FBG, ut dimidijs anguli FDG, est



est enim angulus FDG ad centrum duplus anguli FBG, ad circumferentiam, sed positione est BD, & positione quoque punctum B, erit \* igitur positione & BG, & quoniam in ipsam BG à dato puncto A ducta est AG magnitudine data, dabitur \* ipsa



AG positione quoque, quare \* & punctum G, sed datur, & angulus DGB: ē enim equalis angulo DBG, æqualibus existentibus DB, DG: ergo dabitur \* GD positione, quare \* & punctū quoque D dabitur. Quoniam igitur datæ sunt positione extremitates A, D, G, datarum positione AD, DG, ipsæ quoque \* magnitudine datæ erunt.



Componetur autem sic. Producat<sup>ur</sup> AB in F, & fiat angulus FBG æqualis dimidio eius, quem relinquit ē duobus rectis angulus C: hoc est dimidio anguli H, & in BG ponat<sup>ur</sup> AG æqualis Z, & angulo GBD æqualis constituatur angulus BGD, erunt igitur æquales DB, DG, quare differentia laterū DA, DG trianguli DAG, erit ipsa AB data. Describatur ex D centro ad internallum DG, vel DB, circulus, quē fecer AF in F, erit igitur angulus FDG ad centrum, duplus anguli FBG ad circumferentiam, sed eiusdem anguli FBG duplus est quoque & angulus H ex constructione, ergo angulus FDG angulo H æqualis erit, unde & angulus ADG ad verticē trianguli æqualis angulo C: est autem & basis AG æqualis datæ Z ex constructione. Constructum est igitur triangulum DAG, quod facere oportebat.

scribatur ex D centro ad internallum DG, vel DB, circulus, quē fecer AF in F, erit igitur angulus FDG ad centrum, duplus anguli FBG ad circumferentiam, sed eiusdem anguli FBG duplus est quoque & angulus H ex constructione, ergo angulus FDG angulo H æqualis erit, unde & angulus ADG ad verticē trianguli æqualis angulo C: est autem & basis AG æqualis datæ Z ex constructione. Constructum est igitur triangulum DAG, quod facere oportebat.

LEMM A


SI angulus trianguli fuerit centrum circuli, basis verò semidiameter, & ducatur linea recta non ex centro circuli, sed ab altera extremitate aggregati laterum, constituēs cum eo angulum æqualē dimidio, qui est ad verticem trianguli, angulo, illa recta linea in circulum incidet.

E



Sit



Sit triangulum DAG cuius basis AG, & centro A, intervallo AG, describatur circulus, & producat AD in F, vt sit DF æqualis DG, aggregatum igitur laterum AD, DG erit AF: à puncto autem F ducatur FI, faciens angulum AFI, æqualem dimidio anguli ADG; Dico ipsam FI in circulum incidere, si enim non incidit, cadit extra qualis est FE, itaque continuetur DG, donec secet ipsam FE in E. Quoniam igitur externus angulus ADE trianguli DFE, æqualis est duobus internis DFE, DEF, quorum vnus nempe DFE, ponitur dimidius ipsius ADE, erit & reliquus DEF ipsius ADE dimidius: æquales igitur erunt anguli DFE, DEF, & ideo æquales rectæ DF, DE, quod est absurdū, ponitur enim DF æqualis DG, Recta igitur FI in circulum incidet, quod erat demonstrandum.



ALITER, Sit triangulum, DAG cuius basis AG, & centro D, intervallo DG, describatur circulus, secans AD productam in F, & iungatur FG, erit angulus AFG æqualis dimidio anguli AD: Hic enim est ad centrū, ille ad circumferentiam. Si igitur ex A centro ad intervallo AG circulus describatur, ipsū tanget, vel secabit recta linea FG, ideoque in ipsum circulum incidet, quod erat demonstrandum.



### Problema XIII.

Prob. 13.  
lib. 2. Re-  
giomonta-  
ni de tri-  
angulis.

**D**AT A base trianguli, aggregato laterum, & angulo verticis, inuenire triangulum.

Sit data basis trianguli Z, aggregatum laterum AB, angulus ad verticem æqualis angulo C. Oportet inuenire triangulum. Factum iam sit, & sit illud triangulum DAG, cuius basis AG est æqualis ipsi Z, aggregatum verò laterum AD, DG, æquale ipsi



ipsi AB, magnitudine ac positione data, & angulus ADG ad verticem æqualis angulo C, iungatur autem BG. Quoniam igitur composita ex AD, DG æqualis est ipsi AB, ablata communi AD, reliqua DG reliquæ DB æqualis erit, & ideo circulus ex D centro descriptus ad intervallum DG, transibit per B: describatur, erit igitur angulus ADG ad centrum, duplus anguli



B ad circumferentiam, sed datur angulus ADG, ergo dabitur & angulus B, & est positione AB, ergo \* & BG positione erit, sed in ipsam BG à dato puncto A ducta est AG magnitudine data, ergo dabitur \* ipsa AG positione quoque, & datum \* erit punctum G, & data \* quoque positione GD, datur enim angulus DGB, quia æqualis est dato DBG æqualibus existentibus DB, DG, quare & punctum D dabitur. Quoniam igitur datae sunt extremitates A, D, G, datarum positione, AD, DG ipsæ quoque magnitudine datae erunt.

29. Dat.

31. Dat.

25. Dat.

29. Dat.



circulus, & fiat angulus ABG æqualis dimidio anguli C, ex antecedente igitur Lemmate, recta BG incidet in circulum sub A centro descriptum, incidat in G, & iungatur AG, & fiat angulo B æqualis angulus BGD, erit igitur DG æqualis DB, addita communi AD, composita ex AD, DG, erit æqualis AB. Centro autem D, intervallum DB, vel DG describatur circulus BG, erit igitur angulus ADG ad centrum duplus anguli B ad circumferentiam, sed & angulus C duplus est anguli B ex constructione, ergo angulus ADE angulo C æqualis erit, est autem & basis AG æqualis datae Z ex constructione. Constructum est igitur triangulum DAG quale construendum proponebatur.

## L E M M A.


Si duo anguli in ratione dupla eidem circumferentiæ circuli

E 2 culi




*culi insisterint, duplus autem, fuerit ad centrum, alter ad circumferentiam erit.*

Insistant duo anguli GDF, GBF eidem circuli circumferentiæ GF, & sit angulus GDF ad centrum circuli, atque duplus anguli GBF, Dico angulum GBF ad circumferentiā esse. Si enim non est ad circumferentiā, erit intra circulum, vel extra. Sit primum si fieri potest, intra circulum, & producaturs GB vsque ad circumferentiā in C, & iungatur FC, erit igitur angulus GDF



ad centrum, duplus anguli GCF ad circumferentiā, sed duplus est & anguli GBF ex hypothesi, ergo angulus GBF angulo GCF æqualis erit, externus interno, quod est absurdum: angulus igitur GBF non est intra circulum.

Deinde sit angulus GBF extra circulum, ipsum igitur circulum secabit, vel utraque rectarū GB, FB, vel saltem vna: secet ipsa GB in puncto C, & iungatur FC, erit igitur angulus GDF, ad centrum, duplus anguli GCF ad circumferentiā; sed duplus est & anguli B ex hypothesi, ergo angulus GCF angulo B æqualis erit, externus interno, quod est absurdum: angulus igitur GBF non est extra circulum, sed neque intra circulum ut est ostensum, ergo ad circumferentiā erit, quod erat demonstrandum.




### Problema XIV.

**D**AT A differentia segmentorum basis trianguli, aggregato laterū, & angulo verticis, inuenire triangulū.  
Sit



Sit data differentia segmentorum basis trianguli AB, aggregatum laterum Z, angulus ad verticem æqualis angulo C. Oportet inuenire triangulum.

Inuentum iam sit, & sit illud triangulum DAG in quo perpendicularis DE, & centro D, intervallo DG, quod sit minus latus, describatur circulus, secans latus AD productum in F, basim verò AG in B, erunt igitur BE, EG æquales, vnde differentia segmentorum AE, EG erit AB: estò igitur ipsa AB positione ac magnitudine data, composita verò ex lateribus AD, DG: hoc est ipsa AF, estò æqualis Z, & angulus ADG ad verticem æqualis angulo C, & iungantur BF, FG. Quoniam igitur



datur angulus ADG, dabitur & angulus FDG, vt reliquus è duobus rectis, & dabitur quoque angulus FBG, vt dimidius anguli FDG: angulus enim FDG ad centrum, duplus est anguli FBG ad circumferentiam, positione igitur \* erit BF, quia positione est & AB, & quoniam datum est punctum A, à quo in BF ducta

est AF magnitudine data, dabitur \* ipsa AF positione quoque, vnde dabitur \* & punctum F, & quoniam datus est angulus ADG ad centrum, datus erit & angulus AFG ad circumferentiam, vt eius dimidius, atque data \* erit positione FG, vnde datum \* erit & punctum G. & data \* quoque positione GD, quia datus est angulus DGF: etenim æqualis est dato angulo DFG, ratione æqualium laterum DG, DF, quare datum \* erit & punctum D. Quoniam igitur datæ sunt extremitates A, D, G, datarum positione, AD, DG, AG ipsæ quoque magnitudine datæ erunt.

Componetur autem hoc modo. Producaturs AB in G, & fiat angulus GBF æqualis dimidio eius, quem relinquit è duob. rectis angulus C, hoc est dimidio anguli H, & in BF ponatur AF æqualis Z, & fiat angulus AFG æqualis dimidio anguli C, angulus verò FGD æqualis angulo AFG, erunt igitur æquales DG, DF: addita communi AD composita ex lateribus AD, DG trianguli DAG, æqualis erit ipsi AF, hoc est Z datæ.

Deinde centro D, intervallo DG vel DF, describatur circulus FE. Quoniam igitur angulus C duplus est anguli AFG ex constructione, similiter & angulus ADG ad centrum duplus eiusdem




eiusdem anguli AFG ad circumferentiam, erit angulus ADG aduerticem dato angulo C æqualis, quare & angulus FDG angulo H, sed angulus H duplus est anguli FBG ex constructione, ergo & angulus FDG eiusdem anguli FBG duplus erit, sed angulus FDG est ad centrum, & insistit circumferentiæ FG, cui etiam & angulus FBG insistit, ergo ex antecedente Lemmate, angulus FBG ad circumferentiam erit. Iam agatur ipsi 3. Terij. AG perpendicularis DE, erunt igitur \*æquales BE, EG, & ideo differentia segmentorum AE, EG erit ipsa AB data. Constructum est igitur triangulum DAG, ut facere oportebat.

## L E M M A I.

**S**I angulus trianguli fuerit centrum circuli, differentia verò laterum semidiameter, & ducatur linea recta non ex centro circuli, sed ab altera extremitate differentie segmentorum basis, constituens cum ea angulum æqualem dimidio; qui est ad verticem trianguli, angulo, illa recta linea circulum secabit.

Sit triangulum DAG, in quo perpendicularis DE secet basim AG in E, & centro D, interuallo DG, quod sit minus latus, describatur circulus secans latus AD productum in punctis H, F, basim verò AG in B; laterum igitur DA, DG differentia erit AH, differentia verò segmentorum AE, EG erit AB, iungantur autem BH, FG. Quoniam igitur quadrilaterum FGBH est in circulo, anguli HBG, HFG ex aduerso, duobus rectis sunt æquales, sed & anguli HBG, HBA æquales sunt duobus rectis, ergo anguli HBG, HFG angulis HBG, HBA æquales erunt, dempto communi angulo HBG, reliquus HFG, reliquo HBA æqualis erit, sed angulus HFG ad circumferentiam dimidius est anguli HDG ad centrum, ergo & angulus HBA, eiusdem anguli ADG dimidius erit, Dico igitur circulum sub A centro, interuallo






uallo  $AH$  descriptum, secari à  $BH$ : manifestum est autem ipsam  $BH$  in eum incidere, quoniam punctum  $H$  est in circumferentia, si igitur eum non secat, tangit, tangat si fieri potest, contactus erit in  $H$ , & iungatur  $BF$ , ergo rectus \* erit angulus  $AHB$ , & ideo æqualis recto  $HBG$ , qui est in semicirculo; quare parallelæ \* erunt  $AF$ ,  $BF$ , quod est absurdum, conveniunt enim in  $F$ . Non igitur  $BH$  tangit circulum, cuius centrum  $A$ , sed secat, quod erat demonstrandum. 18. Tertiij  
27. Primi

## LEMMATA II.

**SECRET** circulum sub  $A$  centro recta linea  $BHL$ , in punctis  $H$ ,  $L$ , & per punctum  $H$ , quod sit propius ad  $B$ , ducatur altera recta  $AHI$ . Dico angulum  $IHB$  minorem esse recto.



Diuidatur enim  $HL$  bifariam in  $E$ , & iungatur  $AE$ , rectus igitur erit angulus  $AEH$ , ac proinde angulus  $EHA$  recto minor: tres enim interni anguli trianguli  $AEH$  duobus rectis sunt æquales, sed angulus  $EHA$ , æqualis est angulo  $IHB$ : sunt enim ad verticem, ergo & angulus  $IHB$ , erit recto minor, quod erat demonstrandum.

## Problema XV.

**DAT**  $A$  differentia segmentorum basis trianguli, differentia laterum, & angulo verticis, inuenire triangulum. Prob. 20.  
lib. 2. Region. de  
triangulis.

Sit data differentia segmentorum basis trianguli  $AB$ , differentia laterum  $Z$ , angulus ad verticem æqualis angulo  $C$ . Oportet inuenire triangulum.

Factum iam sit, & sit illud triangulum  $DAG$ , in quo perpendicularis  $DE$ , & centro  $D$ , intervallo  $DG$ , quod sit minus latus, describatur circulus secans latus  $DA$  in  $H$ , basim verò  $AG$  in  $B$ , differentia igitur segmentorum  $AE$ ,  $EG$  erit  $AB$ , differentia verò







& secetur  $HF$  bifariam in  $D$ , & centro  $D$ , intervallo  $DH$ , vel  $DF$ , describatur circulus, eius circumferentia transibit per  $B$ , propter angulum  $HBH$  rectum. Deinde producat  $AB$  donec secet circulum  $FBH$  in  $G$ , & iungantur  $DG$ ,  $FG$ , & ipsi  $AG$  ducatur perpendicularis  $DE$ , erunt igitur æquales  $BE$ ,  $EG$ , & ideo differentia segmentorum  $AE$ ,  $EG$ , erit ipsa  $AB$  data. Similiter quoniam æquales sunt  $DH$ ,  $DG$  ut semidiametri, differentia laterum  $AD$ ,  $DG$  erit  $AH$ , cui æqualis est  $Z$  data ex constructione. Superest igitur ut angulus  $ADG$  ad verticem trianguli  $DAG$  æquetur angulo  $C$ , id autem ita fit manifestum. Quoniam enim quadrilaterum  $FGBH$  est in circulo, anguli  $HBG$ ,  $HFG$  ex aduerso duobus rectis erunt æquales, sed & anguli  $HBG$ ,  $HBA$  sunt æquales duobus rectis, ergo anguli  $HBG$ ,  $HFG$  angulis  $HBG$ ,  $HBA$  æquales erunt: de pro communi angulo  $HBG$ , reliquus  $HFG$  reliquo  $HBA$  æqualis erit, sed anguli  $HFG$  ad circumferentiam duplus est angulus  $H DG$  ad centrum, ergo & anguli  $HBA$  duplus erit angulus  $ADG$ , sed & angulus  $C$  duplus est anguli  $HBA$  ex constructione, ergo angulus  $ADG$  angulo  $C$  æqualis erit, quod ostendisse oportuit; Constructum est igitur triangulum  $DAG$ , quale construendum proponebatur.

## Problema XVI.

**D**ATO uno ex lateribus trianguli datum verticis angulum ambientibus, & differentia inter reliquum latus, & basim, inuenire triangulum.

Sit datum unum ex lateribus trianguli angulum verticis ambientibus,  $AB$ : differentia inter latus reliquum & basim,  $Z$ , angulus ad verticem æqualis angulo  $C$ . Oportet inuenire triangulum.

Factum iam sit, & sit illud triangulum  $ABD$ , cuius latus  $AB$  esto positione ac magnitudine datum, differentia verò inter reliquum latus  $AD$ , & basim  $DB$  esto æqualis ipsi  $Z$ , & angulus  $DAB$  ad verticem æqualis angulo  $C$ . Ponatur autem  $DG$  æqualis  $DB$ , differentia igitur ipsarum  $AD$ ,  $DB$  erit  $AG$ , & iungatur  $GB$ . Quoniam igitur datus est angulus  $DAB$ , datus erit & angulus  $GAB$ , ut reliquus è duobus rectis, hic autem in prima figura ad primum casum pertinens, in secunda verò figura,

F

quæ



quæ ad secundum casum pertinet, angulus DAB idem est quod angulus GAB, quocunque igitur casu datur angulus GAB: est

29. *Dat.* autem positione AB, ergo \*positione est & AG, sed & magni-

27. *Dat.* tudine, ponitur enim æqualis ipsi Z, ergo \*punctum G datum

26. *Dat.* erit, sed datum est & B, ergo \*GB po-

sitione erit, & magnitudine, atque adeo dabitur angulus AGB, quia datur \*triangulum AGB specie, & in se-

39. *Dat.* cūda figura dabitur quoque & DGB,

ut reliquus è duobus rectis, itaque in vtraque figura dabitur angulus DBG,

est enim æqualis ipsi DGB, æqualibus existentibus DG, DB, quare \*BD po-

29. *Dat.* sitione erit, & ideo \*positione quo-

25. *Dat.* que, & punctum D, ac propterea \*ip-

26. *Dat.* sæ BD, AD magnitudine quoque datæ erunt.



Componetur aut hoc modo. Constituatur angulo C, æqualis angulus

BAD, & ponatur ipsi Z æqualis AG, & iungatur GB, & angulo DGB æqualis constituatur angulus GBD, & BD occurrat

ipsi AD in D, erunt igitur DG, DB æquales, & ideo differentia inter latus AD, & basim DB trianguli ABD, erit AG, hoc est

Z data: est autem & angulus DAB ad verticem, æqualis angulo C ex constructione, & latus AB ipsum datum. Constructum

est igitur triangulum ABD, ut facere oportebat.



## Problema XVII.

**D**ATO uno ex lateribus trianguli datum verticis angulum ambientibus, datoque aggregato reliqui lateris & basis; inuenire triangulum.

Sit datum vnum ex lateribus trianguli angulum verticis ambientibus AB, composita verò ex reliquo latere, & base Z, & angulus ad verticem æqualis angulo C. Oportet inuenire triangulum.

Ponatur iam factum & sit illud triangulum ABD, cuius latus AB estò positione ac magnitudine datum, composita verò ex reliquo latere AD, & base DB estò æqualis ipsi Z, & angulus aduer-



aduerticem A æqualis angulo C. Producatur autem AD in G,  
 vt sit DG æqualis DB: erit igitur AG æqualis compositæ ex AD,  
 DB, & iungatur GB. Quoniam igitur positione est AB, & da-  
 tus est angulus A, erit AG \* positione data, sed data est & ma-  
 gnitudine, ergo & \* punctum G datum erit, datur autem & B,  
 dabitur, \* ergo GB positione, & magnitudine, atque adeo da-  
 bitur & angulus G, quia triangulum \* ABG datur (specie; est au-  
 tem angulo G æqualis angulus GBD, ratione æqualiū DB, DG,  
 quare & ipse GBD datus erit, positione igitur \* erit BD, quare

29. Dat.


27. Dat.

26. Dat.

30. Dat.

29. Dat.

25. Dat.



& \* punctum D. Quoniam igitur  
 positione dararū DB; DA  
 dati sunt termini A, D, B, ipsæ  
 magnitudine quoque datæ e-  
 runt,

Componetur autem sic, an-  
 gulo C cōstituatur æqualis an-  
 gulus BAG, & ponatur AG æ-

qualis ipsi Z, & iuncta GB, constituatur quoque angulus GBD  
 æqualis angulo G, erunt igitur DB, DG æquales, addita com-  
 muni DA, composita ex latere AD, & base DB trianguli ABD,  
 æqualis erit ipsi AG, hoc est Z datæ: est autem & angulus ad-  
 uerticem A æqualis angulo C ex constructione, & latus AB  
 ipsum datum. Constructum est igitur triangulum ABD, quod  
 facere oportebat.

### Problema XVIII.

**D**ATO vno ex lateribus trianguli angulum rectum  
 ambientibus, dataque differentia segmentorum basis,  
 inuenire triangulum.

Hoc Problema duos casus habet propter duplicem lateris  
 dati conditionem: latus enim datum intelligitur interdum mi-  
 nus duorum, interdum maius, ad primum igitur casum prima  
 figura pertinet, ad secundum secunda.

Sit datum vnum ex lateribus trianguli angulum rectum am-  
 bientibus AB, data quoque differentia segmentorum basis Z.  
 Oportet inuenire triangulum. Inclinentur ad angulos rectos  
 AB, AC æquales, & conectatur CB, cui perpendicularis ducatur  
 BD & æqualis dimidiæ Z, & conectatur quoque CD, &

F 2 centro



centro D, intervallo DB describatur circulus GBH, secans CD productam in punctis G, H, is igitur circulus tanget rectam CB in B. Deinde circa diametrum CH describatur alius circulus, cui inscribatur CF æqualis AB, & iungatur FH, & ipsi CH ducatur perpendicularis FI. Quoniam igitur CB tangit circulum GBH in B, rectangulum GCH æquale erit quadrato CB,



sed quadratū CB duplū est quadrati AB, hoc est quadrati CF, ergo & rectangulum GCH quadrati CF duplum erit, sed quadrato CF æquale est rectangulum ICH, est

Ex coroll.  
826.

enim \* CF media proportionalis inter IC, CH: rectangulum igitur GCH duplū erit rectanguli ICH, atque adeo CG dupla erit ipsius CI, unde CI, IG erunt æquales; itaque differentia segmentorū CI, IH erit CH, hoc est Z data, est autem & latus FC æquale ipsi AB ex constructione, & angulus CFH in semicirculo rectus, Triangulum igitur FCH problemati satisfacit, quare factum est quod oportebat.

At verò diametrum CH maiorem esse quam AB, in prima figura manifestum est, in secunda verò sic demonstrabitur.

Sit si fieri potest diameter CH non maior quam AB, ergo CG minor erit quam AB dupla: est enim HG, hoc est Z minor quam AB, quia differentia segmentorum basis trianguli minor est latere maiori, quare rectangulum HCG minus erit rectangulo sub AB, & altera ipsius dupla, hoc est duplo quadrati AB, sed duplum quadrati AB æquale est quadrato CB, ergo rectangulum HCG minus erit quadrato CB, quod est absurdum,





furdum, ostensum enim est in elementis ipsi æquale. Diameter igitur CH maior est quam AB, quod erat demonstrandum.

## CONSECTARIVM.

Primo igitur casu, composita ex dimidia differentia segmentorum basis, & ea quæ potest duplum quadrati lateris dati, plus quadrato dimidiæ differentiæ, æqualis est basi trianguli quæsiti.


Secundo casu, excessus quo prædicta potens superat dimidiam segmentorum differentiam, æqualis est quæsitiæ basi.

Recta enim quæ potest duplum quadrati lateris dati, plus quadrato dimidiæ differentiæ segmentorum basis est CD, dimidia verò differentia DH, basis autem CH trianguli FCH in prima figura, est composita ex CD, DH, in secunda verò figura basis CH est excessus, quo CD superat ipsam DH.

Sit FC in prima figura 30, GH 14, vel DH 7, erit CH 50, unde FH 40, radix enim quadrati 1849, quod constat duplo quadrati ex 30, & quadrato ex 7, est 41, cui si addatur 7, fiet 50, probase CH.

In secunda figura sit FC 40, HG 14, vel HD 7, erit CH 50, unde FH 30, radix enim quadrati 3249, quod constat duplo quadrati ex 40, & quadrato ex 7, est 57, excessus igitur quo 57, superat 7, erit 50, probase CH.

• A L I T E R idem Problema hoc modo absoluetur. Ipsidem datis, quæ prius. Duplicetur AB in E, & in AE descri-



batur semicirculus, & ducatur ipsi AE perpendicularis BC indefinita, in ipsa autem BC ponatur AC secans semicirculum in D, ita ut CD fiat æqualis ipsi Z: hoc enim fieri posse demonstraui in Apollonio redinino, casu quarto, & tertio secundi Problematis. Denique ipsi AC ducatur perpendicularis BF, erunt igitur AF, FD æquales, & ideo differentia segmentorum AF, FC erit CD, hoc est Z data. Constructum est igitur triangulum ABC rectangulum in B, cuius latus AB est

ipsum datum, & CD differentia segmentorum AF, FC æqualis Z data, quod erat faciendum.


Problema



## Problema XIX.

**D**ATO vno ex lateribus trianguli angulum rectum ambientibus, datoque alterno basis segmento, inuenire triangulum.

Sit datum vnum ex lateribus trianguli angulum rectum ambientibus AB, segmentum autem basis alternum BC. Oportet inuenire triangulum. Inclinentur ad angulos rectos AB, BC, & secetur BC bifariam in E, & iungatur AE, cui æqualis ponatur EF, & in FC describatur semicirculus, quem ABsecet in G, & iungantur FG, GC. Quoniam igitur secta est BC bifariam in E, & illi adiecta FB, rectangulum BFC  
*6. Secūdi.* vnā cum quadrato BE æquale \*erit quadrato FE, hoc est AE, sed quadratū AE æquale est quadratis AB, BE, ergo rectangulum BFC vnā cum quadrato BE æquale erit quadratis AB, BE. Commune auferatur quadratum BE, reliquum igitur rectangulum BFC, hoc est quadratum GF (est enlm \*  
*Ex coroll.* GF media proportionalis inter BE, FC) reliquo quadrato AB æquale erit, quare & recta GF æqualis erit rectæ AB. Constructum est igitur triangulum GFC rectangulum in G, cuius latus GF æquale est ipsi AB, & segmentum basis alternum BC est ipsum datum, quod facere oportebat.



## CONSECTARIVM.

Itaque recta quæ potest quadrata, lateris videlicet dati, & dimidij segmenti, aucta dimidio segmento, æqualis est basi trianguli, diminuta verò æqualis alteri segmento.

Recta enim quæ potest quadrata lateris dati, & dimidij segmenti est AE, hoc est FE, dimidium verò segmentum EC, vel EB: basis igitur FC æqualis est FE auctæ ipsa EC, segmentum verò FB æquale eidem FE diminutæ ipsa EB.


Sit latus trianguli GF 15, alternum basis segmentum BC 16, eius dimidium 8, erit basis FC 25, FB alternum segmentum 9, vnde latus GC 20. Radix enim quadrati 289, quod constat quadra-



quadratis ex 15, & 8, est 17, cui si addatur 8, fiet 25. probare  
FC, si verò auferatur, relinquatur 9, pro segmento FB.

**A L I T E R** idem Problema hac ratione absoluetur.

Sit datum vnum ex lateribus trianguli angulum rectum am-  
bientibus AB, segmentum basis alternum Z. & oporteat face-  
re quod imperatum est. Describatur in AB semicirculus, &  
ducatur perpendicularis BC indefinita, in ipsa autem BC po-  
natur AC secans semicirculum in D, ita vt DC sit æqualis ipsi



Z: hoc autem quomodo fieri possit  
demonstrauimus in Apollonio re-  
diuiuo, casu quinto problematis se-  
cundi, si igitur iungatur DB, trian-  
gulum ABC, erit illud de quo qua-  
ritur, est enim rectangulum in B ex  
constructione, & latus AB ipsum  
datum, atque segmentum basis al-  
ternum DC æquale ipsi Z ex con-  
structione, basis enim segmēta sunt

AD, DC, quia BD perpendicularis est basi AC, propter angu-  
lum ADB in semicirculo rectum, quare factum est quod oport-  
tebat.

Magni momenti essent duo problemata proximè præceden-  
tia, si in omni triangulo non in rectangulo tantum construerē-  
tur, primum enim opportunum esset ad sectionem cuiuslibet  
anguli rectilinei, vel circumferentiæ in tres partes æquales, se-  
cundum verò ad duplicationem cubi. Proponerentur illa duo  
problemata hoc modo.

Primum, Dato vno ex lateribus trianguli datum angulum  
verticis ambientibus, dataque differentia segmentorum basis,  
inuenire triangulum.

Secundum, Dato vno ex lateribus trianguli datum angulum  
verticis ambientibus, datoque alterno basis segmento, inueni-  
re triangulum. Si hæc problemata construerentur, secaretur  
vt diximus quilibet angulus rectilineus, vel circumferentia tri-  
fariam, duplicaretur cubus, atque Geometriæ defectus sup-  
plerentur.

### L E M M A.


*Quadratum differentie duorum laterum æquale est qua-  
dratis laterum, minus duplo sub ipsis rectangulo.*

Sint



7.2.


Sint duo latera AB, CD quorum differentia AC. Dico quadratum AC aequale esse quadratis AB, BC, minus duplo rectangulo ABC. Quoniam enim quadratum AC vna cum duplo rectangulo ABC  $\approx$  aequale est quadratis AB, CB, ablato vtrique duplo rectangulo ABC, quadratum AC aequale erit quadratis AB, CB, minus duplo rectangulo ABC, quod erat demonstrandum.



## Problema XX.

**D**AT A differentia laterum trianguli angulum rectum  
ambientibus, dataque perpendiculari, inuenire tran-  
gulum.

Sit data differentia laterum trianguli angulum rectum ambientibus AB, data quoque perpendicularis BC. Oportet invenire triangulum. Inclinentur ad angulos rectos AB, BC, & conectatur AC, & centro C, intervallo CB describatur circulus, secans AC continuatam in punctis E, D, is igitur circulus tanget ipsam AB in B: deinde fiat AD diameter alterius circuli AGD, ex cuius centro F ducatur perpendicularis FG, & sumatur FH æqualis CD, vel CB, & ipsi AD parallela agatur HI, secans circulum AGD in I, & conectantur AI, ID, & ipsi AD ducatur perpendicularis IL, & sumatur IK æqualis ID. Quoniam igitur parallelogrammum est HILF, erit IL perpendicularis trianguli IAD, æqualis HF: hoc est ipsi CB, est autem & angulus AID in semicirculo rectus; superest igitur ut AK differentia laterum IA, ID æquetur ipsi AB, id autem ita fit manifestum.



Quoniam enim laterum  $IA$ ,  $ID$  differentia est  $AK$ , quadratum  $AK$  ex antecedente Lemmate æquale erit quadratis  $AI$ ,  $ID$ , minus duplo rectangulo  $AID$ , sed quadrata  $AI$ ,  $ID$  æqualia sunt



Ita sunt quadrato  $AD$ , & duplum rectangulum  $AID$  æquale duplo rectangulo  $AD$ ,  $IL$  : est enim propter similitudinem triangulorum  $IAD$ ,  $ILD$ , ut  $AI$  ad  $AD$ , ita  $IL$  ad  $ID$  & ideo rectangulum  $AID$  sub extremis, æquale rectangulo  $AD$ .  $IL$  sub medijs : quadratum igitur  $Ak$  æquale erit quadrato  $AD$ , minus duplo rectangulo  $AD$ ,  $IL$ , hoc est minus rectangulo  $ADE$  : est enim  $DE$  dupla ipsius  $IL$ , sed quadratum  $AD$  minus rectangulo  $ADE$  idem est quod rectangulum  $DAE$ , ergo quadratum  $Ak$ , æquale erit rectangulo  $DAE$ , hoc \* est quadrato  $AB$ , unde & recta  $Ak$  æqualis rectæ  $AB$ , quod ostendisse oportuit. Constructum est igitur triangulum  $IAD$  rectangulum in  $I$ , cuius laterum  $IA$ ,  $ID$  differentia  $AK$ , æqualis est ipsi  $AB$ , & perpendicularis  $IL$  æqualis  $BC$ , quod faciendum erat. 36. Tertij

## CONSECTARIUM.

Itaque composita ex perpendiculari, & ea cuius quadratum æquale est quadratis differentiarum laterum, & perpendicularis æqualis est basi trianguli quaesiti.


Recta enim cuius quadratum æquale est quadratis  $Ak$ ,  $IL$ , hoc est  $AB$ .  $BC$  est  $AC$ , composita verò ex  $IL$ , hoc est ex  $CD$ , & ex ipsa  $AC$  est  $AD$ , basis trianguli  $IAD$ .

Sit  $AK$  5,  $IL$  12, erit  $AD$  25, unde  $IA$  20,  $ID$  15. Radix enim quadrati 169, quod constat quadratis ex 5, & 12, est 13, cui si addatur 12, fiet 25, probat  $AD$ .

## LEMMA

Quadratum aggregati laterum trianguli, angulum rectum ambientium, non est minus octuplo eius quod à perpendiculari fit quadrati.

Sit triangulum  $ABC$ , in quo perpendicularis  $AD$  cadat in



basim  $BC$ , ab angulo recto  $BAC$ . Dico quadratum compositum ex  $BA$ ,  $AC$  non esse minus, octuplo quadrati  $AD$  : aut enim æqualia sunt latera  $AB$ ,  $AC$ , aut inæqualia, sint primum æqualia, ergo &  $BD$ ,  $DA$ ,  $DC$  erunt quoque æquales, & ideo quadratum  $AB$  duplum erit quadrati  $AD$ , sed


G quadrati



50 *VARIORVM PROBLEM.*

quadrati AB quadruplum est quadratum compositæ BAC, ergo quadratum ipsius BAC compositæ octuplum erit quadrati AD, non autem minus.

Sed sumo latera AB, AC inæqualia, ergo & BD, DC erunt inæquales, describatur autem in BC semicirculus BAC, eius circumferentia transibit per A, propter angulū BAC rectum. Quoniam igitur inæquales sunt BD, DC, ipsa DA non erit ex centro circuli, & ideo BC maior erit quam AD dupla, & consequenter quadratum BC maius quadruplo quadrati AD, eadem ratione, & rectangulum BC, AD maius erit duplo quadrati AD, & consequenter duplum rectanguli BC, AD maius quadruplo quadrati AD; ergo quadratum BC, unā cum duplo rectanguli BC, AD maiora erunt octuplo quadrati AD, sed quadratum BC æquale est quadratis AB, AC, & duplū rectanguli BC, AD æquale duplo rectanguli BAC: est enim propter similitudinem triangulorum ABC, DAC, ut BC ad BA, ita AC ad AD, & ideo rectangulum sub extremis BC, AD æquale rectangulo BAC sub medijs: quadrata igitur BA, AC, unā cum duplo rectanguli BAC, hoc est quadratum compositæ BAC maius erit octuplo quadrati AD, non autem minus. Quare cōstat propositum.




Problema XXI.

**D**ATO aggregato laterum trianguli angulum rectum ambientium, dataque perpendiculari, inuenire triangulum:

Sit datum aggregatum laterum trianguli, angulum rectum ambientium AB, data quoque perpendicularis BC. Oportet inuenire triangulum. Inclinentur ad angulos rectos AB, BC, & conectatur AC, & centro C, intervallo CB describatur circulus, secans AC continuatam in punctis E, D, is igitur circulus tanget ipsam AB in B. Deinde fiat AD diameter alterius circuli AGD, ex cuius centro F educatur perpendicularis FG, & sumatur FH æqualis CD, vel CB: inferius demonstrabitur ipsam FG non esse minorem quam BC, acta denique ipsi AD parallela



parallela HI, secans circulum AGD in I, conecantur AI, ID, & ipsi AD ducatur perpendicularis IL, ea erit æqualis HF, hoc est ipsi BC, & angulus AID in semicirculo rectus: reliquum igitur est vt composita ex lateribus AI, ID ostendatur æqualis ipsi AB, id autem ita fiet.



Quoniã enim quadratum composita AID æquale est quadratis AI, ID, vnã cum duplo rectangulo AID, quadrata autem AI, ID æqualia sunt quadrato AD, & du-

plum rectangulum AID æquale duplo rectangulo AD, IL: est enim propter similitudinem triangulorum IAD, ILD, vt AI, ad AD, ita IL, ad ID, & ideo rectangulum AID sub extremis æquale rectangulo sub medijs AD, IL: quadratum igitur composita AID æquale erit quadrato AD, vnã cum duplo rectangulo AD, IL, hoc est vnã cum rectangulo ADE, est enim DE dupla ipsius IL, sed quadratũ AD, vnã cum rectangulo ADE, æquale est rectangulo DAE, ergo quadratum composita AID æquale erit rectangulo DAE, hoc est \* quadrato AB, vnde & ipsa composita æqualis ipsi AB, quod ostendisse oportuit. Constructum est igitur triangulum IAD rectangulum in I, cuius laterum AI, ID aggregatum æquale est ipsi AB, & perpendicularis IL æqualis ipsi BC, quod erat faciendum.

At verò ipsam FG non esse minorem quam BC, ita demonstrabitur. Quoniam enim quadratum AB ex antecedente Lemmate, non est minus octuplo quadrati BC, quadrata AB, BC; hoc est quadratum AC non erit minus nonuplo quadrati BC; ergo & recta AC non erit minor quam tripla BC, auferatur ex AC recta DC, quæ æqualis est ipsi BC, reliqua igitur AD, non erit minor quam dupla BC, neque dimidia AD, hoc est ipsa FG minor erit, quam ipsa BC, quod erat demonstrandum.

## CONSECTARIVM.

Itaque differentia inter perpendicularem, & eam cuius quadratum

G 2

dratum




dratum æquale est quadratis compositæ ex lateribus, & perpendicularis, æqualis est basi trianguli quæsiti.

Differentia enim inter perpendicularem BC, hoc est CD, & ipsam AC, rectam videlicet cuius quadratum æquale est quadratis AB, BC, est AD, basis trianguli IAD.

Sit composita ex AI, ID, hoc est ipsa AB 35, IL seu BC 12. Erit AD 25, unde IA 20, ID 15, differentia enim inter 12, & 37, radicem videlicet quadrati 1369, quod constat quadratis ex 35, & 12, est 25, quæ indicat basim trianguli quæsiti.

## Problema XXII.

**D**ATIS duabus rectis lineis inæqualibus quam maior non excedat diametrum quadrati ex minore descripti, maiorem ita secare, ut partium quadrata simul æqualia sint quadrato minoris.



Sint datæ duæ rectæ lineæ, Z quidem maior, AB minor. Oportet ipsam Z, in duas partes secare, ita ut partium quadrata simul æqualia sint quadrato AB. Ducatur ipsi AB perpendicularis, & æqualis AC, & iuncta CB, fiat diameter circuli CAB, in quo accommodetur BD æqualis ipsi Z, ex determi-

natione enim Problematum ipsa Z non est maior quam CB, deinde iungatur CD, cui æqualis ponatur DE, & secetur bifariam EB in F. Quoniam igitur BE secata est bifariam in F, & illi adiecta ED, quadrata DB, DE dupla \* erunt quadratorum DF, FB, sed quadrata DB, DE: hoc est DB, DC æqualia sunt quadrato CB propter angulum CDB in semicirculo rectum, ergo & quadratum CB duplum erit quadratorum DF, FB, sed duplum est & quadrati AB, ergo quadrata DF, FB quadrato AB æqualia erunt. Secta est igitur DB, cui æqualis est Z data in F, ita ut quadrata partium DF, FB æqualia sint quadrato AB, quod facere oportebat.

10. Secūdi.

CON-




## CONSECTARIVM.

Itaque excessus, quo duplum quadrati à linea minore superat quadratum à maiore, æqualis est quadrato differentie partium maioris.

Sit Z, vel DB 17. AB 13, erit DF 12, FB 5. Excessus enim quo duplum quadrati ex 13, quod est 338, superat quadratum ex 17, nempe 289, est 49, quadratum videlicet ipsius DE differentie partium DF, FB, unde ipsa DE erit 7, reliqua verò EB 10, eius dimidia FB 5, DF 12.

## Problema XXIII.

**D**ATIS duobus excessibus quibus diameter parallelogrammi rectanguli utrumque latus superat, inuenire parallelogrammum.



Sint dati duo excessus AB, BC, quibus diameter parallelogrammi rectanguli excedit latera. Oporter inuenire parallelogrammum. Ponatur in directum AB, BC, & fiat duplo rectanguli ABC æquale quadratum CD, & ponatur DF æqualis BC, & ipsi AD ducatur perpendicularis FG ipsi verò BD æqualis, & compleatur parallelogrammum AFGH, cuius diameter AG, & centro A, intervallo AF describa-

tur circulus, quem secet AG in E, ipsa verò producta in I. Quoniam igitur duplum rectanguli ABC æquale est quadrato CD ex constructione, addito communi quadrato BC, una cum duplo rectanguli FBC, duplum rectangulorum ABC, FBC, una cum



cum quadrato BC, hoc est FD, æqualia erunt quadratis BC, CD, vnà cum duplo rectanguli FBC, hoc est BCD: sunt enim BF, CD æquales, quia BC æqualis est FD, & CF vtrique communis, sed duplum rectangulorum ABC, FBC æquale est rectangulo sub BC, hoc est FD, & composita ex duplis AB, BF, hoc est rectangulo IFD: ergo rectangulum IFD, vnà cum quadrato FD, hoc \* est rectangulum IDF æquale erit quadratis BC, CD, vnà cum duplo rectanguli BCD, hoc est \* æquale erit quadrato BD, vel FG, addatur commune quadratum AF, rectangulum igitur IDF, vnà cum quadrato AF, hoc \* est quadratum AD æquale erit quadratis AF, FG, hoc est quadrato AG, quare & recta AD æqualis erit rectæ AG: ablatis igitur æqualibus AF, AE, reliqua FD, hoc est BC reliquæ EG æqualis erit. Parallelogrammi igitur AFGH diameter AG excedit latus AF excessu EG æquali ipsi BC, excedit autem & alterum latus FG excessu æquali AB, ipsa enim AD, cui æqualis est diameter AG, excedit ipsam BD, hoc est latus FG excessu AB. Constructum est igitur parallelogrammum rectangulum AFGH, vt facere oportebat.

3. Secūdi.

4. Secūdi.

6. Secūdi.

## CONSECTARIVM.

Itaque, recta cuius quadratum, duplum est rectanguli sub excessibus datis aucta excessu maiori, efficit latus maius parallelogrammi quæsiti, aucta verò minori excessu, latus minus efficit, aucta denique vtroque excessu efficit diametrum.

Recta enim D C aucta excessu CB æqualis est lateri FG, aucta verò vtroque excessu CB, BA, æqualis diametro GA, ac denique recta DC, hoc est FB aucta excessu BA, est ipsum latus FA.

Sit minor excessus 2, maior 9, erit latus maius parallelogrammi quæsiti 15, latus minus 8, diameter 17, duplum enim rectanguli sub excessibus 2, & 9, est 36, radix verò quadrata numeri 36, est 6, quæ aucta excessu 9, fit 15, pro latere maiori, aucta verò excessu 2, fit 8, pro latere minori, aucta denique vtroque excessu 2, & 9, fit 17, pro diametro.



## Problema XXIV.

DATO vno ex angulis rombi, & differentia inter eius latus, & diametrum, inuenire rombum.

Sit



Sit datus vnus ex angulis rombi, æqualis angulo CDE, differentia autem inter eius latus, & diametrum AB. Oportet inuenire rombum. Si angulus datus sit is quem diameter secat, reliquus è duobus rectis erit angulus quem diameter subtrahit. Itaque dato vno dabitur alter. Sit igitur datus angulus CDE æqualis ei quem diameter subtendit, & producat CD in F, & secetur bifariam angulus FDE recta linea DG, si igitur angulus CDE maior sit dimidio anguli CDG, producat AB ad



partes A, si verò sit minor, producat ad partes B, æqualis autem dimidio non potest esse, quia nullus esset excessus inter latus rombi, & diametrum, quod non ponitur. Producta igitur AB, vt dictum est in M, fiat dimidio anguli CDG, æqualis angulus MBH, & angulo CDE æqualis angulus MAH, & conueniant AH, BH, in H: conuenient enim, vt inferius demonstrabitur. Rursus

angulo MBH æqualis constituatur angulus BHI, & compleatur parallelogrammum I AHL, cuius diameter IH. Quoniam igitur angulus MIH externus trianguli HIB, æqualis est duobus internis angulis IHB, IBH, quibus etiam æqualis est angulus CDG: vterque enim est eius dimidius ex constructione, erit angulus MIN angulo CDG æqualis, quare & angulus HIB angulo GDF. Quoniam igitur angulus MIH ostensus est æqualis angulo CDG, & est quoque æqualis duobus internis angulis MAH, IHA, angulus CDG, hoc est duo anguli CDE, EDG duobus MAH, IHA erunt æquales, demptis æqualibus angulis CDE, MAH, reliquus EDG hoc est GDF reliquo IHA æqualis erit, sed ostensus est angulus GDF æqualis angulo HIB, hoc est HIA, ergo & angulus IHA angulo HIA, erit æqualis; quare & latus AH lateri AI, sed lateri AH æquale est IL, & lateri AI æquale HL, quia parallelogrammum est AILH, ergo latera AI, IL, LH, HA erunt inter se æqualia, parallelogrammum igitur AILH, rombus est, & angulus IAH quem subtendit diameter, æqualis est angulo CDE ex constructione. Et quoniam anguli



56 *VARIORVM PROBLEM.*

anguli HBI, BHI sunt æquales ex constructione, erunt & rectæ IH, IB æquales, sed IB differt ab IA per AB, ergo & IH differet ab ipsa IA per eandem AB. Constructus est igitur romb. IAHL, vt facere oportebat.

At verò rectas AH, BH conuenire sic demonstrabitur. Angulus CDE in prima figura, hoc est MAH maior est dimidio anguli CDG, hoc est angulo MBH, sed angulus MAH, vnâ cum angulo HAB duobus rectis sunt æquales, ergo angulus HAB, vnâ cum angulo HBA duobus rectis erunt minores, & ideo conuenient AH, BH, quod erat demonstrandum.

In secunda figura, angulus CDE, hoc est MAH minor est dimidio anguli CDG, hoc est angulo MBH, sed angulus HBA, vnâ cum angulo HBM æquales sunt duobus rectis, ergo angulus HBA, vnâ cum angulo HAB duobus rectis erunt minores, quocunque igitur casu conueniunt AH, BH, quod erat demonstrandum.

*Problema XXV.*

**D**AT *AM* rectam lineam secare, ita vt rectangulum sub partibus comprehensum æquale sit ei, quod à differentia partium fit quadrato.

Sit AB data recta linea secanda in duas partes, ita vt rectangulum sub partibus comprehensum, æquale sit quadrato differentie partium. Producat AB in C, vt ipsa AB sit quintupla ipsius BC, & in AC describatur semicirculus ADC, & ex B educatur perpendicularis BD, cui æqualis ponatur BE, & recetur AE bifariam in F, differentia igitur partium AF, FB erit EB, & quoniam AB quintupla est ipsius BC, quintuplum rectanguli ABC, hoc est quintuplū quadrati BD æquale erit quadrato AB, sed quadratum AB æquale est quadrato EB, vnâ cum quadruplo rectanguli EFB, hoc est AFB, ergo quintuplum quadrati BD, hoc est EB æquale erit quadrato EB, vnâ cum quadruplo rectanguli AFB: auferatur commune quadratum FB, quadruplum igitur rectanguli AFB quadruplo quadrati EB æquale erit, & consequenter simplum simplū.



8. Secūdi.




simplo. Secta est igitur AB in F, & ita ut rectangulum AFB sub partibus æquale sit quadrato EB, differentie videlicet partium AF, FB, quod erat faciendum.

Problema XXVI.

**C**IRCULI portione data, inuenire punctum in eius circumferentia, à quo cum ducentur duæ rectæ lineæ, ad extrema basis portionis puncta, rectangulum sub ipsis comprehensum æquale erit differentie ipsarum quadrato.

Sit data circuli portio ABC, cuius basis AC. Oportet inuenire punctum in circumferentia ABC, à quo cum ducentur duæ lineæ rectæ ad puncta A, C, rectangulum sub ipsis comprehensum æquale sit quadrato differentie ipsarum. Compleatur circulus ABCD, & circumferentia ADC secetur bifariam in D, & secetur \* quoque AC, in E, ita ut rectangulum AEC, sit æquale quadrato differentie ipsarum AE, EC, & iuncta DE producat in B, & iungantur quoque AB, BC, & sumantur BF, EG, æquales ipsis BA, AE, utraque utrique: differentia igitur rectarum



AB, BC, erit FC, ipsarum quoque AE, EC differentia erit GC. Et quoniam æquales sunt anguli ABD, DBC æqualibus circumferentijs insistentes, \*erit AE ad EC, sicut AB, ad BC: sed AE, AB æquales sunt ipsis EG, BF, utraque utrique ex constructione, ergo ut EG, ad EC, ita erit BF, ad BC, & per conuersionem rationis ut EG, ad GC, ita erit BF, ad FC, iuncta igitur FG, parallela \* a. Sexti.

erit ipsi BE. Et quoniam rectangulum AEC, hoc est GEC æquale est quadrato GC ex constructione, erit EG, ad GC, sicut GC, ad EC, sed ostensum est ut EG, ad GC, ita esse BF, ad FC, ergo ut BF, ad FC, ita erit GC, ad EC, sed ratione parallelarum FG, BE, est ut GC, ad EC, sicut FC, ad BC, ergo ut BF, hoc est BA, ad FC, ita erit FC, ad BC, rectangulum igitur ABC sub extremis æquale erit quadrato mediae FC. Inuentum est igitur punctum B in circumferentia, à quo cum ducentur duæ rectæ lineæ BA,

H BC, ad



BC, ad extrema basis puncta A, C, rectangulum ABC, æquale erit quadrato FC, differentia videlicet ipsarum AB, BC, quod faciendum erat.


## Problema XXVII.

**D**ATAM rectam lineam ita secare, ut rectangulum, quod tota, & altera parte continetur ad quadratum partis reliquæ, datam habeat rationem.

Euclides Propositione vndecima libri secundi, Elementorū docet lineam rectam secare, ut rectangulum sub tota, & altera parte sit æquale quadrato partis reliquæ, at verò ut habeat eam quæ ponitur rationem, sic erit secanda.

Sit data recta linea AB, quā oportet secare, ut rectangulum sub tota, & altera parte ad quadratum partis reliquæ rationē habeat ut R, ad S. Exponatur aliquod quadratum CDE, & fiat ut R, ad S, ita quadratum CDE ad quadratum FGH: deinde inueniatur triangulum rectangulum habens vnum ex lateribus angulum rectum ambientibus, æquale ipsi CD, & segmentum basis alternum æquale ipsi FG, id enim iam docuit Problema decimum nonum. Sit igitur illud triangulum IKL rectangulum in I, in quo perpendicularis IM, sit autem latus IL æquale ipsi CD, segmentum KM alternum æquale ipsi FG, & super datam AB, triangulo IKL simile similiterque positum constituatur triagulum NAB, à cuius angulo recto ANB demittatur perpendicularis NO. Quoniam igitur similia sunt triangu-  
la NAB, IKL similiterque posita, erit angulus A æqualis angulo k, & angulus B æqualis angulo L, & anguli ad O, & M sunt recti, & ideo æquales: erit triangulū NOA simile triangulo IMK, & triangulum NOB simile triangulo IML, & ob id ut NB, ad NO, ita erit IL, ad IM, & ut NO, ad OA, ita IM, ad MK, quare ex æquali ut NB, ad AO, ita erit IL, ad MK.


Et





Et quoniam est vt CD, ad IL, ita FG, ad kM, æqualis videlicet ad æqualem, erit permutando vt CD, ad FG, ita IL, ad KM, sed & NB, ad AO, est sicut IL, ad Mk, vt est demonstratum: ergo vt CD, ad FG, ita erit NB, ad AO, & consequenter vt quadratum CD, ad quadratum FG, ita quadratum NB, ad quadratum AO, sed quadratum NB \* æquale est rectangulo ABO: est enim \* NB media proportionalis inter AB, BO, ergo vt quadratum CD ad quadratum FG hoc est vt R, ad S, ita erit rectangulum ABO, ad quadratum AO, secta est igitur AB, in O, vt facere oportebat.

17. Sexti.  
Ex coroll.  
prop. 8.  
Sexti.



ALITER quoq; hoc Problema absoluemus.

Sit AB data recta linea secanda: ratio autem rectanguli sub tota, & altera parte ad quadratum partis reliquæ sit vt ED, ad DC. Ponantur in directum ED, DC, & in EC describatur semicirculus EFC, ipsiq; EC ducatur perpendicularis DF, & secetur FD bifariam in H, & iungatur EH, & centro H, intervallo HE describatur circulus, secans FD productam in punctis G, I, & fiat vt GD, ad DE, ita AB, ad Bk: describatur autem in AB semicirculus ALB, in quo accommodetur ipsi Bk, æqualis BL, & demittat ad AB perpendicularis LM. Quoniam igitur æquales sunt GH, HI, & æquales quoque FH, HD, erunt & reliquæ GF, DI æquales. Et quoniam est vt GD, ad DE, ita AB, ad Bk, hoc est ad BL: erit vt quadratum GD, ad quadratum DE, ita quadratum AB, ad quadratum BL, sed quadratum GD ad quadratum DE, est sicut GD, ad DI, & quadratum AB ad quadratum BL, sicut AB, ad BM, est enim \* quadratum primæ trium proportionalium ad quadratum secundæ, sicut prima ad tertiam, ergo vt GD, ad DI, hoc est ad FG, ita erit AB, ad BM, per conuersionem rationis, vt GD, ad FD, ita AB ad AM, & permutando vt GD, ad AB, ita erit FD, ad AM.

Ex coroll.  
prop. 20.  
6.

Rursus quoniam est vt GD ad DE, ita AB ad BL, erit permutando vt GD ad AB, ita DE ad BL, sed ostensum est vt GD ad AB, ita esse FD ad AM, ergo vt DE ad BL, ita erit FD ad AM, & permutando, vt DE ad FD, ita BL ad AM, & vt quadratum DE ad quadratum FD, ita quadratum BL ad AM, quadratum, sed quadratum BL \* æquatur rectangulo ABM, est enim BL media proportionalis inter AB & BM, vt igitur quadratum DE ad qua-

17. Sexti.  
Coro. pro.  
8. Sexti.

H 2 dratum



dratum FD, hoc est vt ED ad DC: prima nempe ad tertiã trium proportionalium, ita erit rectangulum ABM ad quadratũ. AM. Secta est igitur AB data in M, vt secunda proponebatur.


## Problema XXVIII.

**D**AT *AM rectam lineam secare, vt rectangulum sub tota, & altera parte ad quadratum differentie partium, rationem habeat datam.*

Hoc Problema duos casus habet, vel enim secunda proponitur data recta linea, vt rectangulum sub tota, & parte maiori, vel & parte minori ad quadratum differentie partium ratione habeat datam: primo casu oportebit terminum datæ rationis primum, maiorem esse secundo: rectangulum enim sub tota, & parte maiori, maius est quadrato differentie partium, cum vtraque, tota videlicet, & pars maior: maiores sint quam partium differentia.


Secundus casus nulla indiget determinatione, rectangulum enim sub tota, & parte minori potest esse maius prædicto quadrato, & minus.

Sit igitur data recta linea AB secanda in duas partes, vt rectangulum sub tota, & altera parte ad quadratum differentie partium, rationem habeat vt R, ad S. Exponatur aliquod quadratum k, & fiat vt R ad S, ita K quadratum, ad aliud quadratum quod sit Flatus: autẽ quadrati k intelligatur vnum ex lateribus trianguli angulum rectum ambiens, maius videlicet in prima figura, quæ ad primum casum pertinet, minus in secunda, & tertia, quæ pertinet ad





ad secundum casum, latus verò quadrati F intelligatur differētia segmentorum basis. Itaque dato vno ex lateribus trianguli angulum rectum ambientibus, & differentia segmentorum basis, inueniatur triangulum, id enim iam docuit Problema decimum octauum. Sit igitur illud triangulū CDE, in quo perpendicularis CG ab angulo recto demissa fecerit basim in duo segmenta DG, GE, quorum differentia EH sit æqualis lateri quadrati F, & latus CE æquale lateri quadrati K: denique describatur in AB triangulum IAB triangulo CDE simile similiterque positum, à cuius angulo recto demissa in basim perpendicularis



ris IL secet eam in duo segmenta AL, LB, quorū differentia sit MB. Quoniam igitur similia sunt triāgula IAB, CDE, erit angulus A æqualis angulo D, & angulus IBL æqualis angulo CEG, atque anguli ad L, & G, sunt recti, & ideo æquales, ergo triangulum ILB

simile erit triangulo CGE, & triāgulum ILA triangulo CGD, & propter similitudinem erit vt BL ad LI, ita EG ad GC, & vt LI ad LA, ita GC ad GD, ergo ex æquali erit vt BL ad LA: hoc est ad LM, ita EG ad GD, id est ad GH, & per conuersionem rationis vt BL ad BM, ita erit EG ad EH.

Et quoniam propter triangulorum similitudinem est vt IB ad BL, ita CE ad EG, & vt BL ad BM, ita EG ad EH, vt est demonstratum, erit ex æquali vt IB ad BM, ita CE ad EH: hoc est ita latus quadrati K ad quadrati F latus, vt igitur quadratum IB ad quadratum MB, ita erit K quadratum ad F quadratum, sed K quadratum ad F quadratum est, vt R ad S: ergo vt R ad S, ita erit quadratum IB ad MB, quadratum, sed quadratum IB \* æquale est rectangulo ABL, est enim IB \* media proportionalis inter AB, LB, ergo vt R ad S, ita erit rectangulū ABL ad quadratum MB. Secta est igitur AB in L, vt facere oportebat.

17. 6.  
Ex coroll.  
8. 6.

## Problema XXIX.

**D**ATAM rectam lineam, ita secare, vt rectangulum sub tota, & differentia partium ad quadratum differentie,



62 VARIORVM PROBLEM.

rentiæ, rationem habeat datam. Oportet autem datæ rationis terminum primum maiorem esse secundo: rectangulum enim sub tota, & differentia partium maius est quadrato prædictæ differentia.

Sit AB data recta linea secāda, ita vt rectangulum sub ipsa AB, & differentia partium ad quadratū ipsius differentia, rationem habeat vt R ad S, cuius rationis terminus R sit maior quam S. Secetur

R —————

S —————

¶. Sexti.

tur \* AB in C, vt sit AB ad AC, sicut R ad S, ipsa verò CB secetur

A — C — D — B

¶. Sexti.

bifariam in D, itaque differentia partiū AD, DB, erit AC. Quoniam igitur rectangulum BAC, & quadratum AC eandem habent altitudinem AC, erit \* vt AB ad AC, ita rectangulū BAC ad AC quadratum, sed AB ad AC, est sicut R ad S, ergo vt R ad S, ita erit rectangulum BAC ad AC quadratum, Secta est igitur AB in D, vt facere oportebat.

Problema XXX.

DATAM rectam lineam ita secare, vt rectangulum sub tota, & differentia partium, ad quadratum totius, rationem habeat datam. Oportet autem datam rationem esse minoris ad maius: rectangulum enim sub tota, & differentia partium minus est totius lineæ quadrato.

Sit data recta linea AB quā oportet secare, vt rectangulum sub tota, & differentia partium ad quadratum totius AB rationē habeat vt R ad S, cuius rationis terminus R sit minor quam S. Fiat vt S ad R, ita AB ad AC, & secetur CB bifariam in D. Quoniam igitur vt S

R —————

S —————

A — C — D — B


ad R, ita est AB ad AC, erit conuertendo vt R ad S, ita AC ad AB, sed vt AC ad AB, ita est rectangulum BAC ad quadratum AB,



AB, eandem enim habent altitudinem AB, ut igitur R ad S, ita erit rectangulum BAC ad AB quadratum: est autem rectangulum BAC illud quod tota AB, & differentia partium AD, DB continetur, quia ipsarum partium differentia est AC, sunt enim CD, DB æquales. Secta est igitur AB in D, ut facere oportebat.

## Problema XXXI.

**D**ATAM rectam lineam ita secare, ut rectangulum sub tota, & differentia partium ad rectangulum sub partibus, datam habeat rationem.



Sit data linea recta AB quam oportet secare, ut rectangulum sub tota, & differentia partium ad rectangulum sub partibus rationem habeat ut R ad S. Secetur AB bifariam in C, & fiat ut R ad S, ita AB ad aliam quæ sit FG: ipsi autem FG ducatur perpendicularis GD, ipsi verò AC æqualis, & conectatur FD, & cetro F, intervallo FG describatur circulus, quem secet DF continuata in punctis E, H, & ponantur ipsi HD æquales CK, CI.

Quoniam igitur æquales sunt AC, CB, & æquales quoque IC, CK, sunt æquales & reliquæ AI, KB, & ideo differentia inter AK, KB erit IK. Et quoniam AB secta est in partes æquales in C, & inæquales in K, rectangulum AkB unâ cum quadrato CK æquale \* erit quadrato AC: hoc est DG, seu quod idem est rectangulo EDH, recta enim DG tangit circulum in G, sed rectangulū EDH æquale \* est rectangulo EHD unâ cum quadrato HD, ergo rectangulum AKB, unâ cum quadrato CK æquale erit rectangulo EHD, unâ cum quadrato HD: auferantur æqualia quadrata CK, HD, reliquum igitur rectangulum AkB reliquo rectangulo EHD æquale erit.

1. Secūdi.

3. Secūdi.

Et quoniam est ut R ad S, ita AB ad FG, hoc est ad FH, ut autem AB ad FH, ita rectangulum AB. CK ad rectangulum FHD: æquales enim habent altitudines CK, HD, erit ut R ad S, ita rectangulum




ctangulum AB, Ck ad rectangulum FHD, & conſequenter ita duplum rectanguli AB, Ck ad duplum rectanguli FHD, hoc eſt ita rectangulum AB, Ik ad rectangulum EHD, ſed rectangulū EHD oſtenſum eſt æquale rectangulo AkB, ergo vt R ad S, ita erit rectangulum AB, Ik ad rectangulum AkB. Secta eſt igitur AB in k, vt facere oportebat.

## Problema XXXII.

**D**AT AM rectam lineam ita ſecare, vt rectangulum sub tota, & altera parte ad rectangulum sub partibus, rationem habeat datam. Oportet autem datæ rationis terminum primum maiorem eſſe ſecundo: rectangulum enim sub tota, & altera parte maius eſt rectangulo sub partibus.

Sit data recta linea AB ſecāda in duas partes, vt rectangulū sub tota, & vna parte ad rectāgulum sub partibus, rationem habeat vt R ad S, cuius rationis terminus R fit maior quā S. Secetur \* AB in C, vt fit AB ad AC, ſicut R ad S, ergo factum erit quod proponitur: eſt enim vt AB ad AC, ita rectangulum ABC ad rectangulū ACB propter eandem altitudinem CB, ſed AB ad AC eſt ſicut R ad S, ex cōſtructione, ergo vt R ad S, ita erit rectangulū ABC ad ACB rectangulū. Secta eſt igitur AB in C, vt faciendum erat.



## Problema XXXIII.

**D**AT AM rectam lineam ita ſecare, vt rectangulum sub tota, & vna parte ad rectangulum sub tota, & altera parte, rationem habeat datam.

Sit AB data recta linea ſecanda in duas partes, ita vt rectāgulum sub tota, & vnā parte ad rectangulū sub tota, & altera parte rationem habeat vt R ad S. Hoc autem nihil aliud eſt niſi ipſam AB ſecare in duas partes, ita vt partium ratio ſit eadē quæ R ad S,



# COLLECTIO.

65

**R** ad **S**, secetur \* enim in **C**, ut sit **AC** ad **CB**, sicut **R** ad **S**. Quo-10. Seme.

**R** —

**S** —

**A** — **C** — **B**

niā igitur rectangula **BAC**, **ABC** eandem habent altitudinem **AB**, erit ut **AC** ad **CB**, ita rectangulum **BAC** ad rectangulū **ABC**, sed **AC** ad **CB**, est sicut **R** ad **S**, ex constructione; ergo ut **R** ad **S**, ita erit rectangulum **BAC** ad **ABC**, rectangulum. Punctum igitur **C** Proble-

ma efficit, quare factum est quod oportebat.

## Problema XXXIV.

**D**AT **AM** rectam lineam ita secare, ut quadratum alterius partis ad rectangulum sub partibus, rationem habeat datam.

**R** —

**S** —

**A** — **C** — **B**

Sit **AB** secanda in duas partes, ita ut quadratū alterius partis, ad rectangulum sub partib. rationem habeat ut **R** ad **S**. Constructio huius problematis eadem est q̄ precedētis: si enim **AB** secetur in **C**, ita ut **A** **C** ad **CB**, rationē habeat ut **R** ad **S**, punctum **C** problema-

ti satisfaciet: erit enim ut **AC** ad **CB**, ita quadratū **AC** ad rectangulum **ACB** propter eandem altitudinem **AC**, sed **AC** ad **CB**, est sicut **R** ad **S**, ex constructione, ergo ut **R** ad **S**, ita erit quadratum **AC** ad rectangulum **ACB**, punctum igitur **C** problemati satisfacit, quare factum est quod oportebat.

## Problema XXXV.

**D**AT **AM** rectam lineam ita secare, ut quadratum alterius partis ad quadratum differentie partium, rationem habeat datam.

Hoc Problema duos casus habet: vel enim datam rectam lineam secare oportet, ut quadratū partis maioris, vel partis minoris ad quadratum differentie partium, rationem habeat datam,








I

tam,



tam : primo casu oportebit datam rationē, esse maioris nempe ad minus: pars enim maior, maior est quam partiū differentia. Secundus casus non indiget determinatione, pars enim minor potest esse maior prædicta differentia, & etiam minor.

Sit igitur data recta linea AB  
 q̄ oportet ita secare, vt quadratū  
 alterius partis, ad quadratum dif-  
 ferentiæ partiū rationē habeat  
 vt R ad S. Exponat aliquod qua-  
 dratum CDE, & fiat vt R ad S, ita  
 quadratū CDE, ad aliud quadra-  
 tum quod sit FGE, & ED dupli-  
 cetur in H, ipsa autē AB secetur  
 bifariā in I, & fiat vt HG ad GE,  
 ita AI ad IK: ergo in prima figu-  
 ra quæ ad primum casum perti-  
 net, erit componendo, in secundā  
 verò & tertiā, quæ pertinent ad  
 secundum casum, erit diuidēdo,  
 vt HE ad GE, ita Ak ad Ik, & du-  
 platis consequentib. vt HE ad du-  
 plā GE, seu quod idem est vt DE,  
 quæ est dimidia ipsius HE ad GE  
 simplā, est. n. eadē ratio totius ad  
 totum quæ dimidiū ad dimidiū,  
 ita erit Ak ad duplam IK quæ sit  
 LK: quare vt quadratum DE ad  
 quadratum GE, ita erit quadra-  
 tum Ak ad Lk quadratū, sed qua-  
 dratum DE ad quadratū GE, est  
 sicut R ad S, ex cōstructione, er-  
 go vt R ad S, ita erit quadratum  
 AK ad quadratum Lk, differētiæ  
 videlicet partiū Ak, k B, cum  
 enim AI, IB sint æquales, & æ-  
 quales quoque LI, IK, fiunt &  
 AL, KB æquales, & ideo differē-  
 tia inter AK, KB, est Lk. Secta est  
 igitur AB in k, & impleta Proble-  
 matis conditio.




Problema



## Problema XXXVI.

**D**ATAM rectam lineam ita secare, ut partium quadrata datam teneant rationem.



Sit data recta linea AB secunda in duas partes, ita ut partium quadrata rationem teneant ut R ad S. Exponatur aliquod quadratum k, & fiat ut R ad S, ita k quadratum ad aliud quadratum quod sit F. Deinde secet AB in C, ut sit AC ad CB, sicut latus quadrati k ad quadrati F latus. Quoniam igitur est ut AC ad CB, ita latus quadrati K ad quadrati F latus, erit ut quadratum AC ad quadratum CB, ita k quadratum ad F quadratum, sed k quadratum ad F quadratum, est sicut R ad S, ex constructione, ergo ut R ad S, ita erit quadratum AC ad CB quadratum. Secta est igitur AB in C, ut facere oportebat.

## Problema XXXVII.

**D**ATAM rectam lineam ita secare, ut partium quadrata simul sumpta ad rectangulum sub partibus, rationem habeant datam. Oportet autem datæ rationis terminum primum non esse minorem duplo secundi: minimū enim aggregatum quadratorum duplum est rectanguli sub partibus. maximi, hoc aut accidit quando data linea secta est bifariam.

Sit data recta linea AB quam oportet, ita secare, ut partium quadrata simul sumpta ad rectangulum sub partibus rationem habeant ut CD ad DE, cuius rationis terminus CD non sit minor duplo ipsius DE. Secetur AB bifariam in H, & in ea describatur semicirculus AGB, ipsiq; AB, ducatur perpendicularis HG, & DE duplicetur in F, & fiat ut CF ad EF, ita quadratum AB ad aliud quadratum cuius latus sit Z: quadratum igitur AB non erit minus quadruplo, quadrati Z, quia & CF non est minor quam EF quadrupla, ergo ipsa AB non erit minor duplo lateris Z, & consequenter HG, dimidia videlicet ipsius AB non minor q̃ Z.

1 2 Sumatur




Sumatur ergo in HG ipsi Z, æqualis HI, & per I agatur ipsi AB parallela IL, & ad AB demittatur perpendicularis Lk, erit igitur Lk æqualis IH, hoc est ipsi Z. Et Quoniam est vt CF ad EF, ita quadratum AB ad quadratum Z, hoc est ad quadratum Lk: seu quod idem est ad rectangulū

AKB, duplatis cōsequentib. erit vt CF ad DF, ita quadratum AB,

4. Secūdi.

hoc est \* aggregatum quadratorum Ak, KB vnā cum duplo rectanguli AkB ad duplum rectanguli AkB, & diuidendo erit vt CD ad DF, ita aggregatum quadratorum Ak, KB ad duplum rectanguli AkB, & subduplaris cōsequentib. erit vt CD ad DE, ita aggregatum quadratorū AK, kB ad rectangulū AkB. Secta est igitur AB in K, vt facere oportebat.




### LEMMA.

**R**ectangulum sub aggregato, & differentia duorum laterum æquale est excessui quadratorum à lateribus.

Sint duo latera, AG maius, GB minus, ipsi autē GB ponatur æqualis GH, differētia igitur laterū AG, GB erit AH. Dico rectangulū BAH æquale esse excessui quadratorum

AG, GB. Quoniam enim HB secta est bifariam in G, & ei adiecta HA, rectangulū BAH, vnā cum quadrato GB \* æquale erit quadrato AG, auferatur vtrunque quadratum GB, reliquum igitur rectangulum BAH æquale erit excessui quadratorum AG, GB, quod erat demonstrandum.

6. Secūdi.




### Problema XXXVIII.

**D**ATAM rectam lineam ita secare, vt partium quadrata simul sumpta ad rectangulum sub tota, & differentia partium, rationem habeant datam. Oportet autem datam rationem esse maioris ad minus: quadrata enim partium simul



*simul sumpta maiora sunt reſt angulo ſub tota, & differen-  
tia partium, quandoquidem illud reſt angulum ex anteced.  
Lem. æquale eſt exceſſui quadratorum.*



Sit igitur data reſta linea AB  
quã oportet ſecare in duas par-  
tes, vt partium quadrata ſimul  
ſumpta ad reſt angulum ſub to-  
ta, & differentia partium ratio-  
nem habeãt vt CD ad DE, quo-

rum terminorum rationis CD ſit maior quam DE. Sumatur  
in CD ipſi DE æqualis DF, & \* ſecetur AB in G, vt quadratum <sup>35. Hæ-</sup>  
AG ad quadratum GB rationem habeat eandẽ, quam habet CE <sup>ius.</sup>  
ad CF, ipſi autem GB ponatur æqualis GH, erit igitur per con-  
uerſionem rationis, vt quadratum AG ad exceſſum quadrato-  
rum AG, GB, hoc eſt ad \* reſt angulum BAH, ita CE ad FE, &  
duplatis antecedentibus, vt duplum quadrati AG, hoc eſt \* vt <sup>Ex antec.</sup>  
aggregatum quadratorum AG, GB, vnã cum reſt angulo BAH, <sup>Lem.</sup>  
ad reſt angulum BAH, ita erit dupla CE ad FE, hoc eſt ad duplã  
DE, & ideo ita CE ſimpla ad ſimplam DE: eſt enim eadem ra-  
tio dupli ad duplum quã ſimpli ad ſimplũ, ergo diuidendo erit  
aggregatum quadratorum AG, GB ad reſt angulum BAH, ſicut  
CD ad DE, Secta eſt igitur AB in duas partes AG, GB quarum  
partium quadrata ſimul ſumpta ad reſt angulum ſub tota AB,  
& differentia partium AG, GB, rationem habent vt CD ad DE,  
quod facere oportebat.

At verò duplum quadrati AG æquale eſſe aggregato quadra-  
torum AG, GB, vnã cum reſt angulo BAH, ſic demonſtrabitur.  
Quoniam enim quadratum AG æquale \* eſt reſt angulo BAH, <sup>6. Secũdi.</sup>  
vnã cum quadrato GB, addito communi quadrato AG, duplũ  
quadrati AG æquale erit aggregato quadratorum AG, GB, vnã  
cum ſeſt angulo BAH, quod erat demonſtrandum.


## Problema XXXIX.

**D**AT AM reſtam lineam ita ſecare, vt partium qua-  
drata ſimul ſumpta ad totius lineæ quadratum, ratio-  
nem habeant datam. Oportet autem datæ rationis terminum  
ſecundum, maiorem eſſe primo, non autem duplo primi: qua-  
dratum



*dratum enim totius lineæ maius est quadratis partium, duplo autem ipsorum quadratorum non est maius.*

Sit AB data recta linea secāda in duas partes, vt partiū quadrata simul sumpta, ad quadratum totius AB rationē habeant vt EF ad FG, cuius rationis terminus FG sit maior quam EF,




non autem quam duplum ipsius EF. Duplicetur FE in H. & secetur AB bifariam in C. & fiat vt FG ad GH, ita quadratum AC ad quadratum CD, ergo conuertendo erit vt HG ad GF, ita quadratum CD ad AC quadratum, & componendo vt HF ad GF, ita aggregatum quadratorum AC, CD ad AC quadratum, & duplatis consequentib. vt HF ad GF duplā, hoc est vt EF ad GF, (est enim eadē ratio dimidij ad dimidium quæ totius ad totū,) ita erit aggregatum quadratorum AC, CD ad duplum quadrati AC, & ita duplum quadratorum AC, CD ad quadruplū quadrati AC, hoc est ad quadratum AB, sed duplum quadratorum AC, CD æquale \* est quadratis AD, DB, vt igitur EF ad FG, ita erit aggregatum quadratorum AD, DB ad AB, quadratū. Secta est igitur AB in duas partes AD, DB, quarum quadrata simul sumpta ad quadratum totius AB, rationē habent vt EF ad FG, quod erat faciendum.

9. Secūdi.

## Problema XL.

**D**ATAM rectam lineam ita secare, vt partium quadrata simul sumpta, ad quadratum differentie partium datam habeant rationem. Oportet autem datam rationem esse maioris ad minus.

Sit data recta linea AB secanda in duas partes, vt partiū quadrata simul sumpta ad quadratū differentie partium rationem habeant vt EF ad FG, quæ ratio sit maioris ad minus. Duplicet



FE in H, & AB secetur bifariā in C, & fiat vt HG ad GF, ita quadratum AC ad quadratū CD, ipsi aut C D ponatur æqualis CI.

Quoniam




Quoniam igitur AC, CB sunt æquales, & æquales quoque IC, CD, fiunt & reliquæ AI, DB æquales, quare differentia partium AD, DB erit ID: Et qm̄ est vt HG ad GF, ita quadratum AC ad CD quadratum, erit componendo vt HF ad GF, ita aggregatū quadratorum AC, CD ad quadratū CD, & duplatis consequētibz vt HF ad duplam GF, hoc est vt EF ad GF, (est enim eadē ratio dimidiij ad dimidiū quæ totius ad totū) ita erit aggregatū quadratorū AC, CD ad duplum quadrati CD, & ita duplū quadratorū AC, CD ad quadruplū quadrati CD, hoc est ad quadratū ID, sed duplū quadratorū AC, CD equale\* est quadratis AD, DB, vt igitur EF ad FG, ita erit aggregatū quadratorū AD, DB ad quadratum ID. Secta est igitur AB in D, vt facere oportebat.

9 Secūdi

## Problema XLI.

**D**AT AM rectam lineam ita secare, vt rectangulum sub partibus ad quadratum totius lineæ, datā habeat rationem. Oportet autem datæ rationis, terminum secundum non esse minorem quadruplo primi: quadratum enim totius lineæ quadruplum est rectanguli sub partibus maximi, hoc autem accidit quando linea data secta est bifariam.



Sit igitur AB data recta linea secanda in duas partes, vt rectangulū sub partib. ad quadratū totius AB rationē habeat vt R ad S, cuius rationis terminus S, non sit minor quadruplo ipsius R. Secetur AB bifariā in G, & in ea describāt semicirculus ADB, à pūcto autē G ducatur ipsi AB perpendicularis GD, & fiat vt S ad R, ita quadratum AB ad aliud quadratum cuius latus sit Z.

Qm̄ igitur S nō est minor quadruplo ipsius R, quadratū AB non erit minus quadruplo quadrati Z, neque ideo recta AB minor, erit duplo lateris Z, nec denique GD, hoc est dimidia AB minor erit q̄ Z, sumat ergo in GD ipsi Z equalis GE, & ipsis AB, DG parallelæ agantur EF, FC, erit igitur FC, æqualis EG, hoc est ipsi Z. Et quoniam est vt S ad R, ita quadratum




quadratum AB ad quadratum Z, hoc est ad FC quadratum, seu quod idem est ad rectangulū ACB, erit conuertendo vt R ad S, ita rectangulum ACB ad AB quadratum. Secta est igitur AB in G, vt facere oportebat.

## Problema XLII.

**D**AT *AM rectam lineam ita secare, vt rectangulum sub partibus ad quadratum differentiae partium, datam habeat rationem.*

Sit data recta linea AB secanda in duas partes, vt rectangulum sub partib. ad quadratū differentiae partium rationē habeat vt FG ad GH. Secetur AB bifariam in C, & duplicetur GH in K, ipsa verò GF quadruplicetur in I, & in Ik describatur semicirculus ILK, à puncto autē H excitetur ad IK perpendicularis HL, & fiat vt IH ad HL, ita AC ad CD,



ipsiq; CD ponatur æqualis CE. Quoniam igitur æquales sunt AC, CB, & æquales quoque EC, CD, fiunt & reliquæ AE, DB æquales, quare differentia ipsarum AD, DB erit ED. Et qm̄ est vt IH ad HL, ita AC ad CD, erit vt quadratum IH ad quadratum HL, ita quadratum AC ad CD quadratum, sed quadratū IH ad quadratum HL, est vt IH ad Hk: est enim \* vt quadratum primæ trium proportionalium ad quadratū secundæ, ita prima ad tertiam, vt igitur IH ad HK, hoc est ad HG, ita erit quadratum AC ad quadratum CD, & diuidēdo erit vt IG, hoc est vt quadrupla FG ad GH, ita excessus quadratorum AC, CD ad quadratū CD, & quadruplatis consequentib. vt FG quadrupla ad GH quadruplam, seu quod idem est vt FG simpla ad simplam GH: est enim eadem ratio vtrobique, ita erit excessus quadratorum AC, CD ad quadruplum quadrati CD, hoc est ad quadratum ED, sed excessus quadratorum AC, CD æqualis est rectangulo DAE, hoc est ADB ex Lemmate in Prob. 37, ergo vt FG ad GH, ita erit rectangulum ADB ad quadratū ED. Secta est igitur AB in duas partes AD, DB sub quibus rectangulum ADB ad quadratū differentiae ipsarum rationem habet vt FG ad GH, quod erat faciendum.

Coroll. 2.  
20. Sexti.

**F I N I S.**

951

005266563